

開心堂溫病條辨

問心堂溫病條辨中焦篇

汪瑟菴先生參訂

徵以園先生同參

受業姪

朱武曹先生點評

男

蓮同校

風溫 温熱 温疫 温毒

冬溫

○面目俱赤語聲重濁呼吸俱粗大便閉小便濇舌苔老黃甚則黑有芒刺但惡熱不惡寒日晡益甚者傳至中焦陽明溫病也脉浮洪燥甚者白虎湯主之脉沉數有力甚則脉體反小而實者大承

氣湯主之暑溫濕溫溫瘧不在此例。

陽明之脉榮於面。傷寒論謂陽明病。面緣緣正赤。火盛必克金。故目白睛亦赤也。語聲重濁。金受火刑而音不清也。呼吸俱粗。謂鼻息來去俱粗。其粗也平等。方是實證。若來粗去不粗。去粗來不粗。或竟不粗。則非陽明實證。當細辨之。粗則喘之漸也。大便閉。陽明實也。小便濇。火腑不通而陰氣不化也。口燥渴。火爍津也。舌苔老黃。肺受胃濁氣不化津也。按靈樞論諸臟溫病獨肺溫病有舌苔之明文

餘則無有。可見舌苔乃胃中濁氣。薰蒸肺臟。肺氣不化而然。

甚則黑者。黑水

色也。火極而似水也。又水勝火。大凡五行之極盛。必兼勝已之形。芒刺苔久不化。熱極而起堅硬之刺也。倘刺軟者。非實證也。不惡寒。但惡熱者。傳至中焦。已無肺證。陽明者。兩陽合明也。溫邪之熱。與陽明之熱相搏。故但惡熱也。或用白虎。或用承氣者。證同。而脉異也。浮洪燥甚。邪氣近表。脉浮者不可下。凡逐邪者。隨其所在。就近而逐之。脉浮則出表爲順。故以白虎之金飈。以

退煩熱。若沉小有力。病純在裏。則非下奪不可矣。故主以大承氣。按吳又可溫疫論中云。舌苔邊白。但見中微黃者。卽加大黃。甚不可從。雖云傷寒重在誤下。溫病重在誤汗。卽誤下不似傷寒之逆之甚。究竟承氣非可輕嘗之品。故云舌苔老黃。甚則黑有芒刺。脈體沉實的。係燥結痞滿。方可用之。

或問子言溫病以手經主治。力闢用足經藥之非。今亦云陽明證者何。陽明特非足經乎。曰陽

明如市。胃爲十二經之海。土者萬物之所歸也。諸病未有不過此者。前人云傷寒傳足不傳手。誤也。一人不能分爲兩截。總之傷寒由毛竅而谿。谿肉之分理之小者。由谿而谷。谷肉之分理之大者。由谷而孫絡。孫絡絡之至細者。由孫絡而大絡。由大絡而經。此經卽太陽經也。始太陽。終厥陰。傷寒以足經爲主。未始不關手經也。溫病由口鼻而入。鼻氣通於肺。口氣通於胃。肺病逆傳則爲心包。上焦病不治則傳中焦。胃與脾

也。中焦病不治卽傳下焦。肝與腎也。始上焦。終下焦。溫病以手經爲主。未始不關足經也。但初受之時。斷不可以辛溫發其陽耳。蓋傷寒傷人。身之陽。故喜辛溫甘溫苦熱。以救其陽。溫病傷入人身之陰。故喜辛涼甘寒甘鹹。以救其陰。彼此對勘。自可瞭然於心目之中矣。

白虎湯

方見上焦篇

大承氣湯方

大黃

六錢

芒硝

三錢

厚朴

三錢

枳實 三錢

水八杯先煮枳朴後納大黃芒硝煮取三杯先服一杯約二時許得利止後服不知再服一杯再不知再服。

方論此苦辛通降鹹以入陰法承氣者承胃氣也蓋胃之爲腑體陽而用陰若在無病時本係自然下降今爲邪氣蟠踞於中阻其下降之氣胃雖自欲下降而不能非藥力助之不可故承氣湯通胃結救胃陰仍係承胃腑本來下降之

氣非有一毫私智穿鑿於其間也。故湯名承氣。  
學者若真能透徹此義。則施用承氣。自無弊竇。  
大黃蕩滌熱結。芒硝入陰軟堅。枳實開幽門之  
不通。厚朴瀉中宮之實滿。厚朴分量不似傷寒論中重用者。治溫與治寒不同。  
畏其燥也。曰大承氣者。合四藥而觀之。可謂無  
堅不破。無微不入。故曰大也。非真正實熱蔽痼。  
氣血俱結者。不可用也。若去入陰之芒硝。則云  
小矣。去枳朴之攻氣結。加甘草以和中。則云調  
胃矣。

(二)陽明溫病。脈浮而促者。減味竹葉石膏湯主之。  
脈促。謂數而時止。如趨者過急。忽一蹶然。其勢甚急。故以辛涼透表重劑逐邪外出。則愈。

減味竹葉石膏湯方

辛涼合甘寒法

竹葉

五錢

石膏

八錢

麥冬

六錢

甘草

三錢

水八杯。煮取三杯。一時服一杯。約三時令盡。

(三)陽明溫病。諸證悉有而微。脈不浮者。小承氣湯

微和之。

以陽明溫病發端者。指首條所列陽明證而言也。後凡言陽明溫病者。倣此。諸證悉有。以非下不可。微則未至十分亢害。但以小承氣通和胃氣則愈。無庸芒硝之軟堅也。

(四)陽明溫病。汗多譏語。舌苔老黃而乾者。宜小承氣湯。

汗多津液散而大便結。苔見乾黃。譏語因結糞而然。故宜承氣。

(五)陽明溫病。無汗。小便不利。譏語者。先與牛黃丸。

不大便再與調胃承氣湯。

無汗而小便不利。則大便未定成鞭。讞語之不  
因燥屎可知。不因燥屎而讞語者。猶係心包絡  
證也。故先與牛黃丸以開內竅。服牛黃丸。內竅  
開大便當下。蓋牛黃丸亦有下大便之功能。其  
仍然不下者。無汗則外不通。大小便俱閉。則內  
不通邪。之深結於陰可知。故取芒硝之鹹寒。大  
黃甘草之甘苦寒。不取枳朴之辛燥也。傷寒之  
讞語。舍燥屎無他證。一則寒邪不兼穢濁。二則。

由太陽而陽明溫病識語有因燥屎有因邪陷心包一則溫多兼穢二則自上焦心肺而來學者常須察識不可歧路亡羊也。

六陽明溫病面目俱赤肢厥甚則通體皆厥不癲癎但神昏不大便七八日以外小便赤脈沉伏或並脉亦厥胸腹滿堅甚則拒按喜涼飲者大承氣湯主之。

此一條須細辨其的是火極似水熱極而厥之證方可用之全在目赤小便赤腹滿堅喜涼飲

定之。

大承氣湯

方法並見前

七 陽明溫病純利稀水無糞者謂之熱結旁流調胃承氣湯主之。

熱結旁流非氣之不通不用枳朴獨取芒硝入陰以解熱結反以甘草緩芒硝急趨之性使之留中解結不然結不下而水獨行徒使藥性傷人也吳又可用大承氣湯者非是。

八 陽明溫病實熱壅塞爲嘯者下之連聲嘯者中

此亦作者獨

卷二  
焦聲斷續時微時甚者屬下焦。

金匱謂嘯而腹滿。視其前後。知何部不利。利之卽愈。陽明實熱之嘯。下之裏氣得通則止。但其兼證之輕重。難以預料。故但云下之而不定方。以俟臨證者自爲採取耳。再按中焦實證之嘯。嚥必連聲緊促者。胃氣大實。逼迫肺氣不得下降。兩相攻擊而然。若或斷或續。乃下焦衝虛之嘯。其嘯之來路也遠。故其聲斷續也。治屬下焦。  
九陽明溫病。下利譏語。陽明脉實。或滑疾者。小承

氣湯主之。脈不實者牛黃丸主之。紫雪丹亦主之。

下利譏語柯氏謂腸虛胃實故取大黃之濡胃無庸芒硝之潤腸本論有脈實脉滑疾脉不實之辨恐心包絡之譏語而誤以承氣下之也仍

主芳香開竅法

小承氣湯方

苦辛通法重劑

大黃

五錢

厚朴

二錢

枳實

一錢

水八杯煮取三杯先服一杯得宿糞止後服不知再服

溫邪惡癥枳朴減原方分數極見斟酌

溫病傳刺

卷二

八

調胃承氣湯

熱滯於內治以鹹寒佐以甘苦法

大黃 三錢

芒硝 五錢

生甘草 二錢

牛黃丸

方論並見上焦篇

紫雪丹

方論並見上焦篇

⑩溫病三焦俱急。大熱大渴。舌燥。脈不浮而躁甚。舌色金黃。痰涎壅甚。不可單行承氣者。承氣合小陷胸湯主之。

三焦俱急。謂上焦未清。已入中焦陽明。大熱大渴。脈躁苔焦。陽土燥烈。煎熬腎水。不下則陰液

立見消亡。下則引上焦餘邪陷入，恐成結胸之證。故以小陷胸合承氣湯，滌三焦之邪，一齊俱出。此因病急，故方亦急也。然非審定是證，不可用是方也。

承氣合小陷胸湯方

苦辛寒法

生大黃

五錢

厚朴

二錢

枳實

二錢

半夏

三錢

桔梗

三錢

黃連

二錢

水入杯煮取三杯。先服一杯，不下再服一杯。得快利，止後服，不便再服。

②陽明溫病。無上焦證。數日不大便。當下之。若其人陰素虛。不可行承氣者。增液湯主之。服增液湯已。周十二時觀之。若大便不下者。合調胃承氣湯微和之。

此方所以代吳又可承氣養榮湯法也。妙在寓瀉於補。以補藥之體。作瀉藥之用。既可攻實。又可防虛。余治體虛之溫病。與前醫誤傷津液。不  
大便半虛半實之證。專以此法救之。無不應手而效。

標榜而能通  
最妙  
便此法最穩

徵按二十年來。予以此灑救溫病體虛之當下者。取效屢矣。頗以爲獨得之奇。而不知鞠通之有是方也。所見畧同。

增液湯方

鹹寒苦甘法

元參

一兩

麥冬

八錢  
連心

細生地

八錢

水八杯煮取三杯。口乾則與飲。令盡不便再作服。

方論

溫病之不大便。不出熱結液乾二者之外。

其偏於陽邪熾甚。熱結之實證。則從承氣法矣。其偏於陰虧液涸之半虛半實證。則不可混施。

柴從火  
葛從土

承氣故以此法代之獨取元參爲君者元參味苦鹹微寒壯水制火通二便啟腎水上潮於天其能治液乾固不待言本經稱其主治腹中寒熱積聚其並能解熱結可知麥冬主治心腹結氣傷中傷飽胃絡脈絕羸瘦短氣亦係能補能潤能通之品故以爲之佐生地亦主寒熱積聚逐血癰用細者取其補而不膩兼能走絡也三者合用作增水行舟之計故湯名增液但非重用不爲功○本論於陽明下證峙立三法熱結

液乾之大實證。則用大承氣偏於熱結而液不乾者。旁流是也。則用調胃承氣偏於液乾多而熱結少者。則用增液所以迴護其虛務存津液之心法也。

按吳又可純恃承氣以爲攻病之具。用之得當。則效用之不當。其弊有三。一則邪在心包陽明兩處。不先開心包。徒攻陽明下後。仍然昏惑譏語。亦將如之何哉。吾知其必不救矣。二則體虧液涸之人。下後作戰汗。或隨戰汗而脫。或不蒸。

延至數月乃至歲餘僉以爲元氣素虛不復歸咎於人矣

亦實有之理非薄責前人也

汗徒戰而脫。三者下後雖能戰汗。以陰氣大傷轉成上嗽。下泄。夜熱早涼之快證。補陽不可救陰。不可有延。至數月而死者。有延至歲餘而死者。其死均也在。又可當日溫疫盛行之際。非尋常溫病可比。又初創溫病治法。自有矯枉過正。不暇詳審之處。斷不可概施於今日也。本論分別可與不可。與可補不可補之處。以俟明眼裁定。而又爲此按語於後。奉商天下之欲救是證者。至若張氏喻氏。有以甘溫辛熱立法者。濕溫

有可用之處。然須兼以苦泄淡滲。蓋治外邪宜通不宜守也。若風溫溫熱溫疫溫毒。斷不可從。  
**(三)陽明溫病下後汗出當復其陰益胃湯主之**  
溫熱本傷陰之病。下後邪解汗出。汗亦津液之化。陰液受傷不待言矣。故云當復其陰。此陰指胃陰而言。蓋十二經皆稟氣於胃。胃陰復而氣降得食。則十二經之陰皆可復矣。欲復其陰。非甘涼不可。湯名益胃者。胃體陽而用陰。取益胃用之義也。下後急議復陰者。恐將來液虧燥起。

而成乾咳身熱之症證也。

### 益胃湯方

甘涼法

沙參 三錢

麥冬 五錢

冰糖 一錢

細生地 五錢

玉竹

一錢五分炒香

水五杯。煮取二杯。分兩次服。渣再煮一杯服。

○下後無汗。脉浮者。銀翹湯主之。脉浮洪者。白虎

湯主之。脉洪而芤者。白虎加人參湯主之。

此下後邪氣還表之證也。溫病之邪。上行極而

下。下行極而上下。後裏氣得通。欲作汗而未能。

以厥浮驗之。知不在裏而在表逐邪者隨其性而宣泄之，就其近而引導之。故主以銀翹湯增液爲作汗之具。仍以銀花連翹解毒而輕宣表氣。蓋亦辛涼合甘寒輕劑法也。若浮而且洪熱氣噦甚，津液亡見銷亡，則非白虎不可。若洪而且芤，金受火克，元氣不支，則非加人參不可矣。

### 銀翹湯方

辛涼合甘寒法

銀花

五錢

連翹

三錢

竹葉

二錢

生甘草

一錢

麥冬

四錢

細生地

四錢

白虎湯白虎加人參湯

方論並見前

(十四)下後無汗。脉不浮而數。清燥湯主之。

無汗而脉數邪之未解可知。但不浮無領邪外出之路既下之後又無速下之理。故以清燥法增水敵火使不致爲災。一半天後相機易法。卽吳又可下後間服緩劑之法也。但又可清燥湯中用陳皮之燥柴胡之升當歸之辛竄津液何堪。以燥清燥有是理乎。此條乃用其法而不用其方。

清燥湯方

甘涼法

麥冬

五錢

知母

二錢

人中黃

一錢  
五分

細生地

五錢

元參

三錢

水八杯。煮取三杯。分三次服。

加減法。咳嗽膠痰。加沙參三錢。桑葉一錢五分。梨汁半酒杯。牡蠣三錢。牛蒡子三錢。

按吳又可咳嗽膠痰之證。而用蘇子橘紅當歸。病因於燥而用燥藥。非也。在濕溫門中不禁。

(五)下後數日。熱不退。或退不盡。口燥咽乾。舌苔乾

黑或金黃色脈沉而有力者護胃承氣湯微和之。脉沉而弱者增液湯主之。

溫病下後邪氣已淨必然脈靜身涼邪氣不淨有延至數日邪氣復聚於胃須再通其裏者甚至屢下而後淨者誠有如吳又可所云但正氣日虛一日陰津日耗一日須加意防護其陰不可稍有鹵莽是在任其責者臨時斟酌盡善耳吳又可於邪氣復聚之證但主以小承氣本論於此處分別立法。

作旨於益陰  
三致意焉真  
學者金針也  
吃緊

枳朴鴟氣叔  
陰下後何可  
輕用

護胃承氣湯方

苦甘法

生大黃

三錢

元參

三錢

細生地

三錢

丹皮

二錢

知母

二錢

麥冬

三錢  
連心

水五杯。煮取二杯。先服一杯。得結糞止。後服不便。

再服。

增液湯

方見前

○陽明溫病下後二三日下證復現。脈不甚沉。或沉而無力。止可與增液。不可與承氣。

此恐犯數下之禁也。

汪按邪不傳不化。傳表傳裏。因勢導之。溫熱之證。有解表之後。邪復聚表。攻裏之後。邪復聚裏。或解表之後。邪入于裏。攻裏之後。邪還于表。甚至溫疫邪熾。有下至數十次而後愈者。誠如吳氏所云。總要看其邪正虛實。以定清熱養陰之進退。大抵滋陰不厭。頻煩攻下。切須慎重。蓋下後虛邪與未下實邪不同。攻下稍緩。斷無大害。元氣一敗。無可挽回也。邪少正虛。但與滋陰便。可滌邪。增液益胃之屬酌用。邪虛兩停。滋陰之

中。畧佐滌邪護胃承氣主之。卽邪熾正未虛者。  
亦以增液爲主。燥結甚者。間服增液承氣。約小  
其製。方合下後治法。

○陽明溫病。下之不通。其證有五。應下失下。正虛  
不能運藥。不運藥者死。新加黃龍湯主之。喘促不  
寧。痰涎壅滯。右寸實大。肺氣不降者。宣白承氣湯  
主之。左尺牢堅。小便赤痛。時煩渴甚。導赤承氣湯  
主之。邪閉心包。神昏舌短。內竅不通。飲不解渴者。  
牛黃承氣湯主之。津液不足。無水舟停者。間服增

此論反復詳  
盡無一字非  
經金匱之精義誠得內外

溫病何辨  
卷二  
七  
共  
液再不下者增液承氣湯主之。

經謂下不通者死。蓋下而至於不通，其爲危險可知。不然因其危險難治而遂棄之。茲按溫病中下之不通者共有五。因其因正虛不運藥者，正氣旣虛邪氣復實。勉擬黃龍法以人參補正。以大黃逐邪。以冬地增液。邪退正存一綫即可。以大隊補陰而生此邪正合治法也。其因肺氣不降而裏證又實者必喘促寸實則以杏仁石膏宣肺氣之痺。以大黃逐陽胃之結。此臟腑合。

治法也。其因火腑不通。左尺必現半堅之脉。左小腸脈也。俗候於左寸者非細考內經自知。下注膀胱。小便必涓滴赤且痛也。則以導赤去淡通之陽藥。

加連柏之苦通火腑。大黃芒硝承胃氣而通大腸。此二腸同治法也。其因邪閉心包。內竅不通者。前第五條已有先與牛黃丸。再與承氣之法。此條係已下而不通。舌短神昏。閉已甚矣。飲不解渴。消亦甚矣。較前條僅僅識語。則更急而又急。立刻有閉脫之虞。陽明大實不通。有消亡腎

液之虞。其勢不可少緩。須臾則以牛黃丸開手少陰之閉。以承氣急瀉陽明。救足少陰之消。此雨少陰合治法也。再此條亦係三焦俱急。當與前第九條用承氣陷胸合法者參看。其因陽明太熱。津液枯燥。水不足以行舟。而結糞不下者。非增液不可。服增液兩劑。法當自下。其或臟燥太甚之人。竟有不下者。則以增液合調胃承氣湯。緩緩與服。約二時服半杯沃之。此一腑中氣血合治法也。

新加黃龍湯

苦甘 酸法

細生地

五錢

生甘草

二錢

人參

一錢五分另煎

生大黃

三錢

麥冬

五錢  
連心

當歸

一錢  
五分

海參

二條  
洗

薑汁

六匙

水八杯。煮取三杯。先用一杯。冲參汁五分。薑汁二匙。頓服之。如腹中有響聲。或轉矢氣者。爲欲便也。候一二時不便。再如前法服一杯。候二十四刻。不便。再服第三杯。如服一杯。卽得便。止後服。酌服益。

胃湯一劑。益胃湯

方見前

餘參或可加入。

方論此處方於無可處之地。勉盡人力。不肯稍有遺憾之法也。舊方用大承氣加參地。當歸須知正氣久耗。而大便不下者。陰陽俱憊。尤重陰液消亡。不得再用枳朴傷氣。而耗液。故改用調胃承氣。取甘草之緩急。合人參補正。微點薑汁。宣通胃氣。代枳朴之用。合人參最宣胃氣。加麥地元參。保津液之難保。而又去血結之積聚。薑汁爲宣氣分之用。當歸爲宣血中氣分之用。再

加海參者。海參鹹能化堅。甘能補正。按海參之液數倍於其身。其能補液可知。且蠕動之物。能走絡中血分。病久者必入絡。故以之爲使也。

宣白承氣湯方

苦辛淡法

生石膏

五錢

生大黃

三錢

杏仁粉

二錢

桔梗皮

一分五分

水五杯煮取二杯。先服一杯。不知再服。

導赤承氣湯

赤芍

三錢

細生地

五錢

生大黃

三錢

黃連

二錢

黃柏

二錢

芒硝

一錢

水五杯。煮取二杯。先服一杯。不下再服。

牛黃承氣湯

卽用前安宮牛黃丸二丸化開。調生大黃末三錢。  
先服一半。不知再服。

增液承氣湯

卽於增液湯內。加大黃三錢。芒硝一錢五分。

水八杯。煮取三杯。先服一杯。不知再服。

(夫)下後虛煩不眠。心中懊惱。甚至反覆顛倒。梔子

著眼

豉湯主之。若少氣者加甘草。若嘔者加薑汁。  
邪氣半至陽明半猶在膈下。法能除陽明之邪。  
不能除膈間之邪。故證現懊憹虛煩。梔子豉湯。  
湧越其在上之邪也。少氣加甘草者。悞下固能。  
傷陰。此則以誤下而傷胸中陽氣。甘能益氣。故。  
加之。嘔加薑汁者。胃中未至甚熱燥結。悞下傷。  
胃中陽氣。木來乘之。故嘔。加薑汁和肝。而降胃。  
氣也。胃氣降。則不嘔矣。

梔子豉湯方

見上焦篇

卷之三  
三  
梔子豉加甘草湯

卽於梔子豉湯內加甘草二錢。煎法如前。

梔子豉加薑汁方

卽於梔子豉湯內加薑汁五匙。

○陽明溫病。乾嘔口苦而渴。尚未可下者。黃連黃芩湯主之。不渴而舌滑者屬濕溫也。

溫熱燥病也。其嘔由於邪熱夾穢。擾亂中宮。然故以黃連黃芩微其熱。以芳香蒸變化其濁也。

黃連黃芩湯方

苦寒 微辛 法

黃連

二錢

黃芩

二錢

鬱金

一錢  
五分

香豆豉

二錢

水五杯煮取二杯分二次服

辛陽明溫病舌黃燥肉色絳不渴者邪在血分清營湯主之若滑者不可與也當於濕溫中求之

溫病傳裏理當渴甚今反不渴者以邪氣深入血分格陰於外上潮於口故反不渴也曾過氣分故苔黃而燥邪居血分故舌之肉色絳也若

舌苔白滑。灰滑。淡黃而滑。不渴者。乃濕氣蒸騰之象。不得用清營柔以濟柔也。

汪按此條以舌絳爲主。舌絳不渴。夜甚。乃入營的候。再按絳

而中心黃苔。當氣血兩清。純絳鮮紅。急瀝包絡。中心絳乾。兩清心胃。尖獨乾絳。專泄火腑。舌絳而光。當濡胃陰。絳而枯瘦。急用膠黃。乾絳無色。宜投復脈。此二證俱屬下焦。以上俱仍合脉證叅詳。若舌絳兼有白苔。或黃白相兼。是邪仍在氣分。絳而有滑苔者。則爲濕熱熏蒸。誤用血藥滋膩邪。

必難解。不可不慎也。詳見上下二焦。

清營湯方

見上焦篇

○陽明斑者。化斑湯主之。

方義並見上焦篇。

○陽明溫病。下後疹續出者。銀翹散去豆豉。加細生地大青葉元參丹皮湯主之。

方義並見上焦篇。

○斑疹用升提。則衄。或厥。或嗆咳。或昏瘲。用壅補。則霧亂。

嘗見小兒醫  
有過用升提  
而死者

此治斑疹之禁也。斑疹之邪在血絡。只喜輕宣涼解。若用柴胡升麻辛溫之品。直升少陽。使熱血上循清道。則衄過升。則下竭。下竭者必上厥。肺爲華蓋。受熱毒之薰蒸。則嗆咳。心位正陽。受升提之摧迫。則昏瘡。至若壅補。使邪無出路。絡道比經道最細。諸瘡痛癢。皆屬於心。旣不得外出。其勢必返而歸之於心。不霑亂得乎。

○班疹陽明證悉具。外出不快。內壅特甚者。調胃承氣湯微和之。得通則已。不可令大泄。大泄則內

陷。

此斑疹下法微有不同也。斑疹雖宜宣泄，但不可太過。令其內陷。斑疹雖忌升提，亦畏內陷。方用調胃承氣者，避枳朴之溫燥，取芒硝之入陰，甘草敗毒緩中也。

調胃承氣湯

方見前

○三陽明溫毒發痘者，如斑疹法隨其所在而攻之。

溫毒發痘如小兒痘瘡，或多或少紫黑色，皆穢濁太甚，療治失宜而然也。雖不多見，間亦有之。

隨其所在而攻。謂脈浮則用銀翹散加生地元參渴加花粉。毒重加金汁入中黃。小便短加芩連之類。脈沉內壅者酌輕重下之。

(三)陽明溫毒楊梅瘡者以上法隨其所偏而調之。  
重加敗毒兼與利濕。

此條當入濕溫因上條溫痘連類而及故編於此可以互證也。楊梅瘡者形似楊梅輕則紅紫重則紫黑多現於背部面部亦因感受穢濁而然如上法者如上條治溫痘之法毒甚故重加

敗毒。此證毒附濕而爲災。故兼與利濕如草薢  
土茯苓之類。

○陽明溫病。不甚渴。腹不滿。無汗。小便不利。心中  
懊憹者。必發黃。黃者。梔子柏皮湯主之。

受邪太重。邪熱與胃陽相搏。不得發越。無汗不  
能自通。熱必發黃矣。

### 梔子柏皮湯方

梔子

五錢

生甘草

三錢

黃柏

五錢

水五杯。煮取二杯。分二次服。

方論此濕淫於內以苦燥之熱淫於內佐以甘苦法也。梔子清肌表解五黃。又治內煩黃柏瀉膀胱。療肌膚間熱。甘草協和內外。三者其色皆黃。以黃退黃同氣相求也。按又可但有茵陳大黃湯而無梔子柏皮湯。溫熱發黃。豈皆可下者哉。

○陽明溫病。無汗。或但頭汗出。身無汗。渴欲飲水。腹滿舌燥黃。小便不利者。必發黃。茵陳蒿湯主之。此與上條異者。在口渴腹滿耳。上條口不甚渴。

腹不滿。胃不甚實。故不可下。此則胃家已實而黃不得退。熱不得越。無出表之理。故從事於下趨大小便也。

茵陳蒿湯

茵陳蒿六錢

梔子三錢

生大黃二錢

水八杯。先煮茵陳減水之半。再入二味。煮成三杯。分三次服。以小便利爲度。

方論此純苦急趨之方也。發黃外閉也。腹滿內閉也。內外皆閉。其勢不可緩。苦性最急。故以純

苦急趨下焦也。黃因熱結瀉熱者必瀉小腸。小腸丙火非苦不通勝火者莫如水茵陳得水之精開鬱莫如發陳茵陳生發最速高出衆草主治熱結黃疸故以之爲君梔子通水源而利三焦大黃除實熱而減腹滿故以之爲佐也。

○陽明溫病無汗實證未劇不可下小便不利者。

甘苦合化冬地三黃湯主之

大凡小便不通有責之膀胱不開者有責之上游結熱者有責之肺氣不化者溫熱之小便不

通無膀胱不開證。皆上游。指小腸熱結與肺氣而言。不化而然也。小腸火腑，故以三黃苦藥通之。熱結則液乾，故以甘寒潤之。金受火刑，化氣維艱，故倍用麥冬以化之。

### 冬地三黃湯方

甘苦合化陰氣法

麥冬

八錢

黃連

一錢

葦根汁

半酒杯冲

元參

四錢

黃柏

一錢

銀花露

半酒杯冲

細生地

四錢

黃芩

一錢

生甘草

三錢

水八杯煮取三杯，分三次服，以小便得利爲度。

○**溫病小便不利者淡滲不可與也。忌五苓八正輩。**

甲淡滲禁吃

此用淡滲之禁也。熱病有餘於火不足於水。惟以滋水瀉火爲急務。豈可再以淡滲動陽而燥津乎。柰何吳又可於小便條下特立猪苓湯。乃去仲景原方之阿膠。反加木通車前滲而又滲乎。其治小便血分之桃仁湯中仍用滑石。不識何解。

○**溫病燥熱欲解燥者先滋其乾不可純用苦寒。**

也服之反燥甚。

此用苦寒之禁也。溫病有餘於火。不用淡滲猶易明。並苦寒亦設禁條。則未易明也。舉世皆以苦能降火。寒能瀉熱。坦然用之而無疑。不知苦先入心。其化以燥。服之不應。愈化愈燥。宋人以目爲火戶。設立三黃湯。久服竟至於瞎。非化燥之明徵乎。吾見溫病而恣用苦寒。津液乾涸不救者。甚多。蓋化氣比本氣更烈。故前條冬地三黃湯。甘寒十之八九。苦寒僅十之一二耳。至茵

陳蒿湯之純苦。止有一用。或者再用。亦無屢用之理。吳又可屢詆用黃連之非。而又恣用大黃。惜乎其未通甘寒一法也。

三陽明溫病。下後熱退。不可卽食。食者必復。周十二時後。緩緩與食。先取清者。勿令飽。飽則必復。復必重也。

此下後暴食之禁也。下後雖然熱退。餘燔尚存。蓋無形質之邪。每借有形質者以爲依附。必須堅壁清野。勿令卽食。一日後。稍可食清。而又清

之物。若稍重濁，猶必復也。勿者，禁止之詞。必者，斷然之詞也。

○陽明溫病。下後脈靜。身不熱。舌上津回。十數日。不大便。可與益胃增液輩。斷不可再與承氣也。下後舌苔未盡退。口微渴。面微赤。脈微數。身微熱。日淺者亦與增液輩。日深舌微乾者。屬下焦復脉法也。方見下焦勿輕與承氣。輕與者肺燥而咳。脾滑而泄。熟反不除渴。反甚也。百日死。

此數下亡陰之大戒也。下後不大便十數日。甚

至二十日。乃腸胃津液受傷之故。不可強責其便。但與復陰。自能便也。此條脈靜身涼。人猶易解。至脈雖不躁而未靜。身雖不壯熱而未涼。俗醫必謂邪氣不盡。必當再下。在又可法中亦必再下。不知大毒治病。十衰其六。但與存陰退熱。斷。不誤事。下後邪氣復聚。大熱大渴。面正赤。脉躁甚。不在此例。若輕與苦燥。頻傷胃陰。肺之母氣受傷。陽明化燥。肺無秉氣。反爲燥逼。焉得不咳。燥咳久者。必身熱而渴也。若脾氣爲快利所傷。必致滑泄。滑泄則陰傷。

論於存陰這  
熱煩毒之此  
則推之公終  
極也

而熱渴愈加矣。遷延三月。天道小變之期。其勢不能再延。故曰百日死也。

○陽明溫病。渴甚者。雪梨漿沃之。

雪梨漿

方法見前

○陽明溫病。下後微熱。舌苔不退者。薄荷末拭之。以新布蘸新汲涼水。再蘸薄荷細末。頻擦舌上。  
○陽明溫病。斑疹溫痘。溫瘡溫毒。發黃。神昏譏語者。安宮牛黃丸主之。

心居膈上。胃居膈下。雖有膜隔。其濁氣太甚。則

亦可上干包絡。且病自上焦而來。故必以芳香逐穢開竅爲要也。

安宮牛黃丸

方見上焦篇

○風溫溫熱溫疫溫毒冬溫之在中焦。陽明病居多。濕溫之在中焦。太陰病居多。暑溫則各半也。

此諸溫不同之大關鍵也。溫熱等皆因於火。以火從火。陽明陽土。以陽從陽。故陽明病居多。濕溫則以濕從濕。太陰陰土。以陰從陰。則太陰病居多。暑兼濕熱。故各半也。

暑溫

脉洪滑而赤。身熱頭暈不惡寒。但惡熱。舌上黃滑苔。渴欲涼飲。飲不解渴。得水則嘔。按之胸下痛。小便短。大便閉者。陽明暑溫。水結在胸也。小陷胸湯加枳實主之。

此條別於溫  
熱全在舌清  
胸痛咽水

脈洪而赤。不惡寒。病已不在上焦矣。暑兼濕熱。熱甚則渴。引水求救。濕鬱中焦。水不下行。反來上逆。則嘔。胃氣不降。則大便閉。故以黃連枯草。清在裏之熱痰。半夏除水痰而強胃。加枳實者。

取其苦辛通降。開幽門而引水下行也。

小陷胸加枳實湯方

苦辛寒法

黃連

二錢

桔梗

三錢

枳實

二錢

半夏

五錢

急流水五杯。煮取二杯。分二次服。

○元陽明暑溫。脈滑數。不食不飢不便。濁痰凝聚。心下痞者。半夏瀉心湯去人參乾薑大棗甘草加枳實杏仁主之。

不飢不便。而有濁痰。心下痞滿。濕熱互結。而阻

中焦氣分。故以半夏枳實開氣分之。濕結黃連  
黃芩開氣分之。熱結杏仁開肺與大腸之氣。脾。  
暑中熱甚。故去乾薑非傷寒誤下之虛痞。故去  
人參甘草大棗。且畏其助濕作滿也。

半夏瀉心湯去乾薑甘草加枳實杏仁方

苦辛寒法

半夏

一兩

黃連

二錢

黃芩

三錢

枳實

二錢

杏仁

三錢

水八杯。煮取三杯。分三次服。虛者復納。人參二錢。  
大棗三枚。

平陽明暑溫。濕氣已化。熱結獨存。口燥咽乾。渴欲飲水。面目俱赤。舌燥黃。脈沉實者。小承氣湯各等分下之。

暑兼濕熱。其有體瘦質燥之人。感受熱重濕輕之證。濕先從熱化盡。只餘熱結中焦。具諸下證。方可下之。

汪按。濕熱入胃腑方可下。雖云化熱。究從濕來。故枳朴大黃等分用也。大抵溫病。胗舌爲要。痞滿之證。見黃燥。方可議下。黃而不燥。仍用宣泄。

以驅之入胃或苦溫助之化燥。見黃方可用苦

泄。瀉心陷胸之屬黃白相兼或灰白色仍用開提。

三香杏蔻

枳桔以達之于肺不可誤也。又葉天士論傷寒之屬

熱邪刦爍下之宜猛。溫病多濕邪內搏下之宜

輕。傷寒大便溏爲邪盡不可下。濕溫病大便溏

爲邪未盡便硬方爲無濕不可攻也。此皆要論。

不可不知。

### 小承氣湯

方義並見前此處不必以大黃爲君。三物各等分可也。

(四)暑溫蔓延三焦。舌滑微黃。邪在氣分者。三石湯

湯主之邪氣久留舌絳苔少熱搏血分者加味清宮  
湯主之神識不清熱閉內竅者先與紫雪丹再與  
清宮湯

蔓延三焦則邪不在一經一臟矣故以急清三  
焦爲主然雖云三焦以手太陰一經爲要領蓋  
肺主一身之氣氣化則暑濕俱化且肺臟受生  
於陽明肺之臟象屬金色白陽明之氣運亦屬  
金色白故肺經之藥多兼走陽明陽明之藥多  
兼走肺也再肺經通調水道下達膀胱肺癆閉

則膀胱亦開。是雖以肺爲要領。而胃與膀胱皆在治中。則三焦俱備矣。是邪在氣分而主以三石湯之奧義也。若邪氣久羈。必歸血絡。心主血脉。故以加味清宮湯主之。內竅欲閉。則熱邪盛矣。紫雲丹開內竅。而清熱最速者也。

### 三石湯方

飛滑石

三錢

生石膏

五錢

寒水石

三錢

杏仁

三錢

竹茹

二錢

銀花

三錢花露更妙

金汁

一杯酒沖

白通草

二錢

水五杯。煮成二杯。分二次溫服。

方論此微苦辛寒兼芳香法也。蓋肺病治法。微苦則降。過苦反過病所。辛涼所以清熱。芳香所以敗毒而化濁也。按三石紫雪丹中之君藥。取其得庚金之氣。清熱退暑利竅。兼走肺胃者也。杏仁通草爲宣氣分之用。且通草直達膀胱。杏仁直達大腸。竹茹以竹之脈絡。而通人之脉絡。金汁銀花敗暑中之熱毒。

加味清宮湯方

卽於前清宮湯內加知母三錢銀花二錢竹懸五茶匙冲入

方論此苦辛寒法也。清宮湯前已論之矣。加此

三味者。知母瀉陽明獨勝之熱。而保肺清金。銀花敗毒而清絡。竹懸除胸中大熱。止煩悶消渴。合清宮湯爲暑延三焦血分之治也。

(三)暑溫伏暑。三焦均受。舌灰白。胸痞悶潮熱。嘔惡煩渴。自利。汗出溺短者。杏仁滑石湯主之。

舌白胸痞。自利嘔惡。濕爲之也。潮熱煩渴。汗出

上二益陽輕  
熱重此條溫  
熱兩停

瀉短熱爲之也。熱處濕中，濕蘊生熱。濕熱交混，非偏寒偏熱可治。故以杏仁滑石通草，先宣肺氣，由肺而達膀胱，以利濕。厚朴苦溫而瀉濕滿，芩連清裏而止濕熱之利。鬱金芳香走竅而開閉結，橘半強胃而宣濕化痰，以止嘔惡。俾三焦混處之邪，各得分解矣。

### 杏仁滑石湯方

苦辛寒法

杏仁

三錢

滑石

三錢

黃芩

二錢

橘紅

一錢五分

黃連

一錢

鬱金

二錢

通草一錢

厚朴二錢

半夏三錢

水八杯。煮取三杯。分三次服。

寒濕

○濕之入中焦。有寒濕。有熱濕。有自表傳來。有水穀內蘊。有內外相合。其中傷也。有傷脾陽。有傷脾陰。有傷胃陽。有傷胃陰。有兩傷脾胃。傷脾胃之陽者十常八九。傷脾胃之陰者十居一二。彼此混淆。治不中窾。遺患無窮。臨證細推。不可泛論。

此統言中焦濕證之總綱也。寒濕者。濕與寒水

之氣相搏也。蓋濕水同類。其在天之陽時爲雨露。陰時爲霜雪。在江河爲水。在土中爲濕體。本一源。易於相合。最損人之陽氣。熱濕者。在天時長夏之際。盛熱蒸動。濕氣流行也。在人身。濕鬱本身陽氣久而生熱也。兼損人之陰液。自表傳來。一由經絡而臟腑。一由肺而脾胃。水穀內蘊。肺虛不能化氣。脾虛不能散津。或形寒飲冷。或酒客中虛。內外相合。客邪既從表入。而伏邪又從內發也。傷脾陽。在中則不運痞滿。傳下則洞

泄腹痛。傷胃陽。則嘔逆不食。膈脹胸痛。兩傷脾胃。既有脾證。又有胃證也。其傷脾胃之陰。若何。濕久生熱。熱必傷陰。古稱濕火者是也。傷胃陰。則口渴不飢。傷脾陰。則舌先灰滑。後反黃燥大便堅結。濕爲陰邪。其傷人之陽也。得理之正。故多而常見。其傷人之陰也。乃勢之變。故罕而少見。治濕者必須審在何經。何臟。兼寒兼熱。氣分血分。而出辛涼辛溫甘溫苦溫淡滲苦滲之治。庶所投必效。若脾病治胃。胃病治脾。兼下焦者。

著

單治中焦。或籠統混治脾胃。不分陰陽寒熱。不辨。將見腫脹黃疸。洞泄。衄血。便血。諸證蜂起矣。惟在臨證者細心推求。下手有準的耳。蓋土爲雜氣。兼證甚多。最難分析。豈可泛論濕氣而已哉。

汪按。溫熱濕溫爲本書兩大綱。溫熱從口鼻吸受。並無寒證。最忌辛溫表散。但當認定門徑。勿與傷寒混雜。再能按三焦投藥。辨清氣血營衛。不失先後緩急之序。便不致悞。濕溫爲三氣雜。

感濁陰瀰漫。有寒有熱。傳變不一。全要細察兼證。辨明經絡臟腑氣血陰陽。濕熱二氣偏多偏少。方可論治。故論濕溫方法。較溫熱爲多。讀者以此意求之。無餘蘊矣。再按熱證清之則愈。濕證宣之則愈。重者往往宣之未愈。待其化熱而後清。清而後愈。一爲陽病。一兼陰病。至魯至道難易較然。

○足太陰寒濕痞結胸滿。不飢不食。半苓湯主之。  
此書以溫病名。並列寒濕者。以濕溫緊與寒濕。

相對言寒濕而濕溫更易明析。○痞結胸滿仲景列於太陰篇中。乃濕鬱脾陽足太陰之氣。不爲鼓動運行。臟病而累及腑痞結於中。故亦不能食也。故以半夏茯苓培陽土。以吸陰土之濕。厚朴苦溫以瀉濕滿黃連苦以滲濕重用通草。以利水道使邪有出路也。

半芩湯方

此苦辛淡滲法也

半夏五錢

茯苓塊五錢

川連一錢

厚朴三錢

通草八錢

煎湯  
煮前藥

水十二杯。煮通草成八杯。再入餘藥煮成三杯。分三次服。

足太陰寒濕。腹脹。小便不利。大便溏而不爽。若欲滯下者。四苓加厚朴秦皮湯主之。五苓散亦主之。

經謂太陰所至。發爲膩脹。又謂厥陰氣至爲膩脹。蓋木克土也。太陰之氣不運。以致膀胱之氣不化。故小便不利。四苓辛淡滲濕。使膀胱開而出邪。以厚朴瀉脹。以秦皮洗肝也。其或肝氣不

熱則不用秦皮。仍用五苓中之桂枝以和肝通利三焦而行太陽之陽氣。故五苓散亦主之。

四苓加厚朴秦皮湯方

苦溫淡法

茅术

三錢

厚朴

三錢

茯苓塊

五錢

猪苓

四錢

秦皮

二錢

澤瀉

四錢

水八杯。煮成八分三杯。分三次服。

五苓散

甘溫淡法

猪苓

一兩

赤术

一兩

茯苓

一兩

澤瀉

一兩  
六錢

桂枝

五錢

共爲細末。百沸湯和服三錢。日三服。

○足太陰寒濕。四肢乍冷。自利。目黃。舌白滑。甚則  
灰。神倦不語。邪阻脾竅。舌蹇語重。四芩加木瓜草  
果厚朴湯主之。

脾主四肢。脾陽鬱。故四肢乍冷。濕漬脾而脾氣  
下溜。故自利。目白精屬肺。足太陰寒。則手太陰  
不能獨治。兩太陰同氣也。且脾主地氣。肺主天  
氣。地氣上蒸。天氣不化。故目晴黃也。白滑與灰。  
寒濕苔也。濕困中焦。則中氣虛寒。中氣虛寒。則

陽光不治。主正陽者心也。心藏神。故神昏。心主言。心陽虛。故不語。脾竅在舌。濕邪阻竅。則舌蹇而語聲遲重。濕以下行。爲順。故以四苓散驅濕下行。加木瓜以平木。治其所不勝也。厚朴以溫中行滯。草果溫太陰。獨勝之寒。芳香而達竅。補火以生土。驅濁以生清也。

四苓加木瓜厚朴草果湯方

苦熱兼酸淡法

生於白术

三錢

猪苓

五分一錢

澤瀉

五分一錢

赤苓塊

五錢

木瓜

一錢

厚朴

一錢

草果八分

半夏三錢

水八杯。煮取八分三杯。分三次服。陽素虛者。加附子二錢。

○足太陰寒濕。舌灰滑。中焦滯痞。草果茵陳湯主之。面目俱黃。四肢常厥者。茵陳四逆湯主之。

濕滯痞結。非溫通而兼開竅不可。故以草果爲君。茵陳因陳生新。生發陽氣之機最速。故以之爲佐。廣皮大腹厚朴。共成瀉痞之功。猪苓澤瀉。以導濕外出也。若再加面黃肢逆。則非前湯所

能濟。故以四逆回厥。茵陳宣濕退黃也。

草果茵陳湯方

苦辛溫法

草果 一錢

茵陳 三錢

茯苓皮 三錢

厚朴 二錢

廣皮 一錢

猪苓 二錢

大腹皮 二錢

澤瀉 五分

五分

水五杯。煮取二杯。分二次服。

茵陳四逆湯方

苦辛甘熱複微寒法

附子 三錢

乾薑 五錢

炙甘草 二錢

茵陳 六錢

水五杯。煮取二杯。温服一杯。厥回止後服。仍厥再服盡劑。厥不回。再作服。

足太陰寒濕舌白滑甚則灰。脈遲不食不寐。大便窒塞。濁陰凝聚。陽傷腹痛。痛甚則肢逆。椒附白通湯主之。

此足太陰寒濕兼足少陰厥陰證也。白滑灰滑。皆寒濕苔也。脈遲者。陽爲寒濕所困。來去俱遲也。不食。胃陽痺也。不寐。中焦濕聚。阻遏陽氣。不得下交於陰也。大便窒塞。脾與大腸之陽。不能

白人論痛未  
得如是明  
者

下達也。陽爲濕困。返遜位於濁陰。故濁陰得以蟠踞中焦而爲痛也。凡痛皆邪正相爭之象。雖日陽困。究竟陽未絕滅。兩不相下。故相爭而痛也。後凡言痛者倣此。 椒附白通湯齊通三焦之陽。而急驅濁陰也。

### 椒附白通湯方

生附子

三錢炒黑

川椒

二錢炒黑

淡乾薑

二錢

葱白

三莖

猪胆汁

半燒酒杯去渣後調入

水五杯。煮成二杯。分二次涼服。

方論此苦辛熱法複方也。苦與辛合能降能通。

非熱不足以勝重寒而回陽。附子益太陽之標。陽補命門之真火。助少陽之火熱。蓋人之命火。

與太陽之陽。少陽之陽。旺行水自速。三焦通利。濕不得停焉能聚而爲痛。故用附子以爲君。火

寒濕係陰證  
中陽素弱者  
病此尤多雖  
盛暑猶宜醫  
附不可與而  
不用

旺則土強。乾薑溫中逐濕痺。太陰經之本藥。川椒燥濕除脹消食治心腹冷痛。故以二物爲臣。葱白由內而達外。中空通陽最速。亦主腹痛。故以爲之使。濁陰凝聚不散。有格陽之勢。故反佐。

以猪胆汁。猪水畜屬腎。以陰求陰也。胆乃甲木。  
從少陽。少陽主開泄。生發之機最速。此用仲景  
白通湯。與許學士椒附湯合而裁製者也。

○陽明寒濕舌白腐。肛墜痛。便不爽。不喜食。附子  
理中湯去甘草加廣皮厚朴湯主之。

九竅不和。皆屬胃病。胃受寒濕所傷。故肛門墜  
痛而便不爽。陽明失閨。故不喜食。理中之人參  
補陽明之正。蒼朮補太陰而滲濕。薑附運坤陽  
以刲寒。蓋脾陽轉而後濕行。濕行而後胃陽復。

去甘草畏其滿中也。加厚朴廣皮取其行氣合而言之。辛甘爲陽。辛苦能通之義也。

附子理中湯去甘草加厚朴廣皮湯方

辛甘兼苦法

生茅术

三錢

人參

一錢五分

炮乾薑

一錢五分

厚朴

二錢

廣皮

一錢五分

生附子

一錢五分炮黑

水五杯。煮取八分二杯。分二次服。

徵按仲景理中湯原方中用木。今定以蒼术者。蒼木燥濕而兼解鬱。不似白术之呆滯也。丹溪製越鞠丸方以蒼术治濕鬱。以上見證皆鬱證。

也。故用蒼术。古書只有赤名而無蒼白之分。至唐本草始分赤白。後世又謂赤木爲蒼木矣。

寒濕傷脾胃兩陽。寒熱不饑。吞酸形寒。或脘中痞悶。或酒客濕聚。芩薑木桂湯主之。

此兼運脾胃。宣通陽氣之輕劑也。

芩薑木桂湯方

苦辛溫法

茯苓塊

五錢

生薑

三錢

炒白朮

三錢

桂枝

三錢

水五杯煮取八分二杯。分溫再服。

此條有陰陽  
二證以欲飲  
不欲飲辨之  
欲飲水而不  
能者仍陰證

(五)濕傷脾胃兩陽。既吐且利。寒熱身痛。或不寒熱。但腹中痛。名曰霍亂。寒多不欲飲水者。理中湯主之。熱多欲飲水者。五苓散主之。吐利汗出。發熱惡寒。四肢拘急。手足厥冷。四逆湯主之。吐利止而身痛不休者。宜桂枝湯小和之。

按霍亂一證。長夏最多。本於陽虛寒濕凝聚。關係非輕。傷人於頃刻之間。柰時醫不讀金匱。不識病源。不問輕重。一概主以藿香正氣散。輕者原有可愈之理。重者死不旋踵。更可笑者。正氣

散中加黃連麥冬大用西瓜治渴欲飲水之霍亂病者豈堪命乎。瑭見之屢矣故特採金匱原文備錄於此。胃陽不傷不吐。脾陽不傷不瀉邪。正不爭不痛。營衛不乘不寒熱。以不飲水之故知其爲寒多主以理中湯。原文係理中丸方後自注云然丸不及湯蓋丸緩而湯速也。且恐九藥不精故直改從湯。溫中散寒人參甘草胃之守藥白朮甘草脾之守藥乾薑能通能守。上一下兩泄者故脾胃兩守之。且守中有通通中有守以守藥作通用以通藥作守用若熱欲飲水

之證。飲不解渴而吐泄不止。則主以五苓邪熱。  
須從小便去膀胱爲小腸之下游。小腸火腑也。  
五苓通前陰。所以守後陰也。太陽不開。則陽明  
不闔。開太陽正。所以守陽明也。此二湯皆有一  
舉兩得之妙。吐利則脾胃之陽虛。汗出則太陽  
之陽亦虛。發熱者浮陽在外也。惡寒者實寒在  
中也。四肢拘急。脾陽不榮。四末手足厥冷。中土  
虛而厥陰肝木來乘病者。四逆湯善救逆。故名  
四逆湯。人參甘草守中陽。乾薑附子通中陽。人

參附子護外陽。乾薑甘草護中陽。中外之陽復回。則羣陰退避。而厥回矣。吐利止而身痛不休者。中陽復而表陽不和也。故以桂枝湯溫經絡而微和之。

理中湯方

甘熟微苦法。此方分量以及後加減法悉照金匱原文用者臨時斟酌。

人參

甘草

白朮

乾薑

各三兩

水八杯煮取三杯。溫服一杯。日三服。

加減法。若臍上築者。腎氣動也。去术加桂四兩。吐

多者去术加生薑三兩。下多者還用术。悸者加茯苓二兩。渴欲飲水者加术。足前成四兩半。腹中痛者加人參足前成四兩半。寒者加乾薑足前成四兩半。腹滿者去术加附子一枚。服湯後如食頃。飲熱粥一升許。微自汗勿發揭衣被。

五苓散方

見前

加減法 腹滿者加厚朴廣皮各一兩。渴甚面赤。脉大緊而急。搗扇不知涼。飲冰不知冷。腹痛甚。時時躁煩者。格陽也。加乾薑一兩五錢。此條非仲景原文。余治驗也。

百沸湯和。每服五錢。日三服。

汪按濕溫濕瘧寒濕中寒等證皆有陰盛格陽。若春溫風溫暑熱溫疫溫毒非犯逆則絕無此證。雖或病前病中兼犯房勞遺洩亦斷無陰證。而陽盛格陰者則往往有之俗醫傳派不清臨事狐疑失之毫釐人命立絕此條與溫熱門中下焦陽厥數條參看庶乎臨證了然厥功鉅矣。

四逆湯方

辛甘熱法。分量臨時斟酌。

炙甘草

二兩

乾薑

半兩

生附子

一枚去皮

加人參

一兩

水五茶碗煮取二碗分二次服

按原方無人參此獨加人參者前條寒多不飲水較厥逆尚輕仲景已用人參此條諸陽欲脫中虛更急不用人參何以固內柯韻伯傷寒註云仲景凡治虛證以裏爲重協熱下利脉微弱者便用人參汗後身痛脉沉遲者便加人參此脉遲而利清穀且不煩不欬中氣大虛元氣已

脫。但溫不補。何以救逆乎。觀茯苓四逆之頻躁。  
且以人參。況通脈四逆。豈得無參。是必有脫落。  
耳。備錄於此存參。

○霍亂兼轉筋者。五苓散加防己桂枝薏仁主之。  
寒甚脉緊者。再加附子。

肝藏血。主筋。筋爲寒濕搏急而轉。故於五苓和。  
霍亂之中。加桂枝溫筋。防已急驅下焦血分之。  
寒濕。薏仁主濕。痺脚氣。扶土抑木。治筋急拘攣。  
甚寒脉緊。則非純陽之附子不可。

五苓散加防己桂枝薏仁方

卽於前五苓散內加防己一兩桂枝一兩半足前成二兩薏仁二兩寒甚者加附子大者一枚杵爲細末每服五錢百沸湯和日三剗者日三夜一得卧則勿令服

〔醫案〕卒中寒濕內挾穢濁眩冒欲絕腹中絞痛脉沉

緊而遲甚則伏欲吐不得吐欲利不得利甚則轉

筋四肢欲厥俗名發沙又名乾霍亂轉筋者俗名

轉筋火古方書不載

不載者不載上三條之俗名耳若是證當於金匱腹滿腹

痛心痛寒疝諸條參看自得。

蜀椒救中湯主之。九痛丸亦可服。

### 語亂者先服至寶丹再與湯藥

按此證夏日濕蒸之時最多故因霍亂而類訛於此中陽本虛內停寒濕又爲蒸騰穢濁之氣所干由口鼻而直行中道以致腹中陽氣受逼所以相爭而爲絞痛胃陽不轉雖欲吐而不得脾陽困閉雖欲利而不能其或經絡亦受寒濕則筋如轉索而後者向前矣中陽虛而肝木來乘則厥俗名發沙者何蓋以此證病來迅速或

不及延醫。或醫亦不識。相傳以錢或用磁碗口。

蘸薑湯。或麻油刮其關節。刮則其血皆分。住則

復合。數數分合。動則生陽。關節通而氣得轉。往

往有隨手而愈者。刮處必現血點。紅紫如沙。故

名沙也。但刮後須十二時不飲水。方不再發。不

然則留邪在絡。稍受寒發怒。則舉發矣。以其欲

吐不吐。欲利不利。而腹痛。故又名乾霍亂。其轉

筋名轉筋火者。以常發於夏月。夏月火令。又病

迅速如火也。其實乃伏陰與濕相搏之故。以大

建中之蜀椒急驅陰濁下行乾薑溫中去人參膠鈎者畏其滿而守也加厚朴以瀉濕中濁氣枳榔以散結氣直達下焦廣皮通行十二經之氣改名救中湯急驅濁陰所以救中焦之真陽也九痛丸一面扶正一面驅邪其驅邪之功最速故亦可服再按前吐瀉之霍亂有陰陽二證乾霍亂則純有陰而無陽所謂天地不通閉塞而成冬有若否卦之義若語言亂者邪干心包故先以至寶丹驅包絡之邪也。

救中湯方 苦辛通法

蜀椒 三錢炒

出汗出

淡乾薑 四錢

厚朴 三錢

檳榔 二錢

廣皮 二錢

水五杯煮取二杯分二次服兼轉筋者加桂枝三

錢防已五錢薏仁三錢厥者加附子二錢

九痛丸方

治九種心痛苦辛甘熱法

附子 三兩

生狼牙 一兩

人參 一兩

乾薑 一兩

吳茱萸 一兩

巴豆

熬碾如膏一兩去皮心

蜜丸梧子大酒下。強人初服三丸。日三服弱者二丸。○兼治卒中惡。腹脹痛。口不能言。又治連年積冷流注心胸痛。並冷衝上氣落馬墜車血病等證。皆主之。忌口如常法。

(方論)內經有五臟胃腑心痛。並痰蟲食積。卽爲九痛也。心痛之因。非風卽寒。故以乾薑附子驅寒壯陽。吳茱萸能降肝臟濁陰下行。生狼牙善驅浮風。以巴豆驅逐痰蟲陳滯之積。人參養正驅邪。因其藥品氣血皆入補瀉攻伐皆備。故治

中惡腹脹痛等證。

附錄外臺走馬湯。治中惡、心痛、腹脹、大便不通。  
苦辛熱法。沈目南注云。中惡之證。俗謂絞腸烏  
瘻。卽穢臭惡毒之氣。直從口鼻入於心胸腸胃  
臟腑。壅塞正氣不行。故心痛、腹脹、大便不通。是  
爲實證。非似六淫侵入而有表裏清濁之分。故  
用巴豆極熱大毒峻猛之劑。急攻其邪。佐杏仁  
以利肺與大腸之氣。使邪從後陰一掃盡除。則  
病得愈。若緩須臾。正氣不通。營衛陰陽機息。則

死是取通則不痛之義也。

巴豆二枚去皮熬杏仁二枚

右二味以綿纏槌令碎熱湯二合。捻取白汁飲之。當下老小強弱量之。通治飛尸鬼擊病。

按醫方集解中治霍亂用陰陽水一法。有協和陰陽使不相爭之義。又治乾霍亂用鹽湯探吐一法。蓋閉塞至極之證。除針灸之外。莫如吐法。通陽最速。夫嘔厥陰氣也。寒痛。太陽寒水氣也。否。冬象也。冬令太陽寒水得厥陰氣至。風能上

升則一陽開泄。萬象皆有生機矣。至針法治病最速。取禍亦不緩。當於甲乙經中求之。非善針者不可令針也。

汪按玉龍經乾霍亂取委中。今世俗多用熱水急拍腿灣。紅筋高起。卽刺之。出血愈。又按此證亦有不由觸穢受寒。但因鬱怒而發者。其宜急攻下氣與觸穢受寒同。

徵按沙證向無方論。人多忽之。然其病起於倉卒。或不識其證。或不得其治。戕人甚速。總因其

人濁陰素重。清陽不振。偶感濁陰之氣。由口鼻直行中道。邪正交爭。營衛逆亂。近世治之者。率有三法。不知起自何人。一則刮之。前按所云是也。一則焫之。以大燈草。或紙燃蘸麻油。照看其頭面額角。及胸前腹上。肩膊等處。凡皮膚間隱隱有紅點發出。或如蚊迹。或累累墳起。疎密不同。層次難定。一經照出。輕輕灼而焫之。爆響有聲。則病者似覺輕鬆痛減。一則刺之。其法以針按穴刺出血。凡十處。名曰放沙。此皆針灸遺意。

但不見古書。故不悉載。又有試法。與以生黃豆。  
嚼之。不腥者沙。覺有豆腥氣者非沙。與試疗同。  
患此者俗忌生薑。麻油之類。余歷驗多年。知其  
言亦不謬。曾見有少女服生薑而斃。有少男子  
服乾薑一夜而死。餘俱隨覺隨解之耳。前二方  
中俱有乾薑。似與俗說相悖。然乾薑與檳榔巴  
豆並用。正使邪有出路。既有出路。則乾薑不爲  
患矣。但後之人不用此方。則已。用此方而妄減  
其制。必反誤事。不可不知。至若羌活麻黃。則在

所大禁。余尚有二方附記於後。以備裁採。

立生丹

治傷暑霍亂。沙證瘧痢泄瀉心痛胃痛。腹痛吐酸水。及一切陰寒之證。結胸。

小兒寒癰

母丁香

一兩  
二錢

沈香

四錢

茅蒼木

一兩  
二錢

明雄黃

一兩  
二錢

右爲細末。用蟾酥八錢。銅鍋內加火酒一小杯。化開。入前藥末。丸。菉豆大。每服二丸。小兒一丸。溫水送下。又下死胎如神。凡被蝎蜂螫者。調塗立効。惟孕婦忌之。

此方妙在剛燥藥中加芳香透絡。蟾乃土之精。  
上應月魄。物之濁而靈者。其酥八絡。以毒攻毒。  
而方又有所監制。故應手取効耳。

獨勝散

治絞腸沙痛急指甲唇俱青危在頃刻

馬糞

年久彌佳

不拘分兩。瓦上焙乾爲末。老酒沖服二三錢。不知再作服。

此方妙在以濁攻濁。馬性剛善走。在卦爲乾。糞乃濁陰所結。其象圓。其性通。故能摩蕩濁陰之

邪仍出下竅。憶昔年濟南方。訟菴蒞任九江。臨行。一女子忽患沙證。就地滾嚎。聲嘶欲絕。訟菴云。偶因擇日不謹。悞犯紅沙。或應此乎。余急授此方。求馬糞不得。卽用驥糞。並非陳者。亦隨手奏功。

濕溫

瘧痢痘瘡附

○濕熱上焦未清。裏虛內陷。神識如蒙。舌滑脈緩。人參瀉心湯加白芍主之。

濕在上焦。若中陽不虛者。必始終在上焦。斷不

內陷。或因中陽本虛。或因誤傷於藥。其勢必致  
內陷。濕之中人也。首如裹。目如蒙。熱能令人昏。  
故神識如蒙。此與熱邪直入包絡。識語神昏有  
間。裏虛故用參以護裏陽。白芍以護真陰。濕  
陷於裏。故用乾薑枳實之辛通濕中兼熱。故用  
黃芩黃連之苦降。此邪已內陷。其勢不能還表。  
法用通降從裏治也。

人參瀉心湯方

苦辛寒兼甘法

人參二錢

乾薑二錢

黃連

一錢五分

黃芩

一分一錢

枳實

一錢

生白芍

二錢

水五杯。煮取二杯。分二次服。渣再煮一杯服。  
○濕熱受自口鼻。由募原直走中道。不飢不食。機  
竅不靈。三香湯主之。

此邪從上焦來。還使上焦去法也。

三香湯方

微苦微辛微寒兼芳香法

桔梗皮

三分錢

桔梗

三分錢

黑山梔

二錢

枳殼

二錢

鬱金

二錢

香豉

二錢

降香末

三錢

水五杯。煮取二杯。分二次温服。

方論按此證由上焦而來。其機尚淺。故用荳皮。

桔梗枳殼微微辛苦。微辛開上。山梔輕浮。微微苦清熱。

香豉鬱金降香化中。上之穢濁而開鬱。上條以

下焦爲邪之出路。故用重◎。此條以上焦爲邪之

出路。故用輕◎。以下三焦均受者。則用分消◎。彼此

互參。可以知葉氏之因證製方。心靈手巧處矣。

惜散見於案中。而人多不察。茲特爲拈出。以概

其餘。

(三)吸收穢濕。三焦分布。熱蒸頭脹。身痛嘔逆。小便不通。神識昏迷。舌白渴不多飲。先宜芳香通神利竅。安宮牛黃丸。繼用淡滲分消濁濕。茯苓皮湯。

按此證表裏經絡臟腑三焦俱爲濕熱所困。最畏內閉外脫。故急以牛黃丸宣竅清熱而護神明。但牛黃丸不能利濕。分消故繼以茯苓皮湯。

### 安宮牛黃丸

方法見前

### 茯苓皮湯

淡滲兼微辛微涼法

茯苓皮

五錢

生薏仁

五錢

猪苓

三錢

大腹皮

三錢

白通草

三錢

淡竹葉

二錢

水八杯。煮取三杯。分三次服。

○**陽明濕溫氣壅爲嘯者。新製橘皮竹茹湯主之。**

按金匱橘皮竹茹湯。乃胃虛受邪之治。今治濕熱壅遏。胃氣致嘯。不宜用參甘峻補。故改用柿蒂。

按柿成於秋。得陽明燥金之主氣。且其形多

方。他果未之有也。故治肺胃之病。有獨勝。肺之屬金。胃之氣運屬金。

○勝。肺之屬金。胃之氣運屬金。柿蒂乃柿之歸束處。凡花皆散。凡子皆降。凡降先收。從生而散。而收而降。皆一蒂爲。

解藥性不  
盡得此知察  
理之精求之

外立色五味之  
凡辨藥須實就物理體會  
方有妙悟不可泥定本草可論拈出處可以開反

之也治逆呢之能事畢矣。再按草木一身蘆與。

蒂爲升降之門戶。載

生氣上升者蘆也。受陰精歸藏者  
蒂也。格物者不可不於此會心焉。

新製橘皮竹茹湯

苦辛通降法

橘皮

三錢

竹茹

三錢

柿蒂

七枚

薑汁

三茶匙冲

水五杯煮取二杯分二次温服。不知再作服。有痰

火者加竹瀝栝萎霜有瘀血者加桃仁。

三焦濕鬱升降失司。脫連腹脹大便不爽。一加

減正氣散主之。

以下諸條看  
其因症變法  
之妙可得用  
右方法

再按此條與上第五十六條同爲三焦受邪。彼以分消開竅爲急務。此以升降中焦爲定法。各因見證之不同也。

一加減正氣散方

藿香梗

二錢

厚朴

二錢

杏仁

二錢

茯苓皮

二錢

廣皮

一錢

神曲

一錢  
五分

麥芽

一錢  
五分

綿茵陳

二錢

大腹皮

一錢

水五杯煮二杯再服。

方論正氣散本苦辛溫兼甘法今加減之乃苦。

辛微寒法也。去原方之紫蘇白芷無須發表也。  
去甘桔此證以中焦爲扼要不必提上焦也。祇  
以藿香化濁厚朴廣皮茯苓大腹瀉濕滿加杏  
仁利肺與大腸之氣。神曲麥芽升降脾胃之氣。  
茵陳宣濕鬱而動生發之氣。藿香但用梗取其  
走中不走外也。茯苓但用皮以諸皮皆涼瀉濕  
熱獨勝也。

(充)濕鬱三焦。脘悶便溏。身痛舌白。脈象模糊。一加  
減正氣散主之。

上條中焦病重。故以升降中焦爲要。此條脫悞。  
便溏。中焦證也。身痛舌白。脉象模糊。則經絡證。  
矣。故加防己急走經絡中濕鬱。以便溏不比大  
便不爽。故加通草薏仁利小便。所以實大便也。  
大豆黃卷從濕熱蒸變<sup>◎</sup>而成。能化蘊釀之濕熱。  
而蒸變脾胃之氣也。

二加減正氣散

苦辛淡法

藿香梗

三錢

廣皮

二錢

厚朴

二錢

茯苓皮

三錢

木防己

三錢

大豆黃卷

二錢

川通草

一分一錢

薏苡仁

三分三錢

水八杯。煮三次服。

辛穢濕着裏。舌黃脫悶。氣機不宣。久則釀熱。三加減正氣散主之。

前兩法。一以升降爲主。一以急宣經隧爲主。此則以舌黃之故。預知其內已伏熱。久必化熱。而身亦熱矣。故加杏仁利肺氣。氣化則濕熱俱化。滑石辛淡而涼。清濕中之熱。合藿香所以宣氣機之不宣也。

三加減正氣散方

苦辛寒法

藿香

三錢連梗葉

茯苓皮

三錢

厚朴

二錢

廣皮

一錢五分

杏仁

三錢

滑石

五錢

水五杯煮二杯再服。

○穢濕着裏邪阻氣分舌白滑脉右緩四加減正氣主之。

以右脉見緩之故知氣分之濕阻故加草果查肉神曲急運坤陽使足太陰之地氣不上蒸手太陰之天氣也。

四加減正氣散方

苦辛溫法

藿香梗

三錢

厚朴

二錢

茯苓

三錢

廣皮

一錢  
五分

草果

一錢

查肉

五錢  
炒

神曲

二錢

水五杯。煮二杯。渣再煮一杯。三次服。

○穢濕着裏。脘悶便泄。五加減正氣散主之。

穢濕而致脘悶。故用正氣散之香開。便泄而知脾胃俱傷。故加大腹運脾氣。稟芽升胃氣也。以上二條。應入前寒濕類中。以同爲加減正氣散。

法，欲觀者知化裁古方之妙，故列於此。

五加減正氣散

苦辛溫法

藿香梗二錢

廣皮五分

一錢

茯苓塊三錢

一錢

厚朴二錢

大腹皮五分

一錢

穀芽一錢

一錢

蒼术

二錢

水五杯煮二杯，日再服。

按今人以藿香正氣散統治四時感冒。試問四時止一氣行令乎？抑各司一氣，且有兼氣乎？況受病之身，軀臟腑又各有不等乎？歷觀前五法。

均用正氣散而加法各有不同亦可知用藥非  
絲絲入扣不能中病彼泛論四時不正之氣與  
統治一切諸病之方皆未望見軒岐之堂室者  
也烏可云醫乎。

○脉緩身痛舌淡黃而滑渴不多飲或竟不渴汗  
出熱解繼而復熱內不能運水穀之濕外復感時  
令之濕發表攻裏兩不可施誤認傷寒必轉壞證  
徒清熱則濕不退徒祛濕則熱愈熾黃芩滑石湯  
主之

較之溫熱尤  
爲枕中鴻寶  
前人所未及  
也

脉緩身痛。有似中風。但不浮舌滑。渴飲則非中風矣。若係中風。汗出則身痛解。而熱不作矣。今繼而復熱者。乃濕熱相蒸之汗。濕屬陰邪。其氣留連。不能因汗而退。故繼而復熱。內不能運水穀之濕。脾胃困於濕也。外復受時令之濕。經絡亦困於濕矣。倘以傷寒發表攻裏之法施之。發表則誅伐無過之表。陽傷而成瘻。攻裏則脾胃之陽傷而成洞泄。寒中故必轉壞證也。濕熱兩傷不可偏治。故以黃芩滑石茯苓皮清濕中。

之熱蔻仁猪苓宣溫邪之正。再加腹皮通草共成宣氣利小便之功。氣化則濕化。小便利則火腑通而熱自清矣。

黃芩滑石湯方

苦辛寒法

黃芩

三錢

滑石

三錢

茯苓皮

三錢

大腹皮

二錢

白蔻仁

一錢

通草

一錢

猪苓

三錢

水六杯。煮取二杯。渣再煮一杯。分溫三服。

○陽明濕溫。嘔而不渴者。小半夏加茯苓湯主之。

嘔甚而痞者。半夏瀉心湯去人參乾薑大棗甘草加枳實生薑主之。

嘔而不渴者。飲多熱少也。故主以小半夏加茯苓。逐其飲而嘔自止。嘔而兼痞。熱邪內陷與飲相搏。有固結不通之患。故以半夏瀉心去參薑甘棗之補中。加枳實生薑之宣胃也。

小半夏加茯苓湯

半夏六錢

茯苓六錢

生薑四錢

水五杯。煮取二杯。分二次服。

半夏瀉心湯去人參乾薑甘草大棗加枳實生薑  
方

半夏

六錢

黃連

二錢

黃芩

三錢

枳實

三錢

生薑

三錢

水八杯。煮取三杯。分三次服。虛者復納人參大棗。  
徵按。溼之爲病。其來也漸。其去也遲。譬若小人。  
之易進而難退也。溼溫之痞。與濕寒異。溼寒之。  
痞。兼有食積。溼溫之痞。熱陷邪留。故嘔而兼痞。  
也。水氣上逆。則嘔。水停膈間。則痞。上干於頭。則。

眩中凌於心則悸。方目本文字字俱有斟酌。難爲麤心者道。

○濕聚熱蒸蘊於經絡。寒戰熱熾。骨骱煩疼。舌色灰滯。面目痿黃。病名濕痺。宣痺湯主之。

經謂風寒濕三者合而爲痺。金匱謂經熱則痺。蓋金匱誠補內經之不足。痺之因於寒者固多。痺之兼乎熱者亦復不少。合參二經原文。細驗於臨證之時。自有權衡。本論因載濕溫而類及熱痺。見濕溫門中原有痺證。不及備載痺證之。

全學者欲求全豹。當於內經金匱喻氏葉氏以及宋元諸名家合而叅之。自得大抵不越寒熱兩條。虛實異治。寒痺勢重。而治反易。熱痺勢緩。而治反難。實者單病。軀殼易治。虛者兼病。臟腑夾痰飲。腹滿等證。則難治矣。猶之傷寒兩感也。此條以舌灰目黃。知其爲濕中生熱。寒戰熱熾。知其在經絡。骨骱疼痛。知其爲痺證。若泛用治濕之藥。而不知循經入絡。則罔效矣。故以防已急走經絡之濕。杏仁開肺氣之先。連翹清氣分。

之濕熱。赤豆清血。分之濕熱。滑石利竅而清熱。  
中之濕。山梔肅肺而瀉濕。中之熱。薏苡淡滲而  
主攣痙。半夏辛平而主寒熱。蠶沙化濁道中。清  
氣痛甚。加片子薑黃海桐皮者。所以宣絡而止  
痛也。

宣痙湯方

苦辛通法

防已

五錢

杏仁

五錢

滑石

五錢

連翹

三錢

山梔

三錢

薏苡

五錢

半夏

三錢  
醋炒

晚蠶沙

三錢

赤小豆皮

三錢  
赤小

豆乃五穀中之赤小豆。味酸肉赤涼水浸取皮用非藥肆中之赤小豆。藥肆中之赤豆乃廣中野豆赤皮蒂黑肉黃不入藥者也。

水八杯煮取三杯分溫三服痛甚加片子薑黃二錢海桐皮三錢

○濕鬱經脈身熱身痛汗多自利胸腹白疹內外合邪純辛走表純苦清熱皆在所忌辛涼淡法薏苡竹葉散主之

上條但痺在經脈此則臟腑亦有邪矣故又立一法汗多則表陽開身痛則表邪鬱表陽開而

不解表邪。其爲風濕無疑。蓋汗之解者寒邪也。  
風爲陽邪。尚不能以汗解。況濕爲重濁之陰邪。  
故雖有汗不解也。學者於有汗不解之證。當識  
其非風則濕。或爲風濕相搏也。自利者小便必  
短。白疹者。風濕鬱於孫絡毛竅。此濕停熱鬱之  
證。故主以辛涼解肌表之熱。辛淡滲在裏之濕。  
俾表邪從氣化而散。裏邪從小便而驅。雙解表  
裏之妙法也。與下條互斟自明。

### 薏苡竹葉散方

辛涼淡法亦輕以去實汗

薏苡

五錢

竹葉

三錢

飛滑石

五錢

白蔻仁

一錢  
五分

連翹

三錢

茯苓塊

五錢

白通草

一錢  
五分

共爲細末。每服五錢。日三服。

(卷) 風暑寒濕雜感混淆。氣不主宣。咳嗽頭脹。不飢舌白。肢體若癱。杏仁薏苡湯主之。

雜感混淆。病非一端。乃以氣不主宣四字爲扼要。故以宣氣之藥爲君。既兼雨濕中寒邪。自當變辛涼爲辛溫。此條應入寒濕類中。列於此者。

以其爲上條之對待也

### 杏仁薏苡湯

苦辛溫法

杏仁 三錢

薏苡 三錢

桂枝 五分

生薑 七分

厚朴 一錢

半夏 一錢

防已 一錢

白蒺藜 二錢

半夏 五分

水五杯。煮三杯。渣再煮一杯。分溫三服。

○暑濕痺者。加減木防已湯主之。

此治痺之祖方也。風勝則引。引者

吊痛掣痛之類。或上或下。

四肢游走作痛。謂行痺是也。

加桂枝柔葉。濕勝則腫。腫者

土日

辨證總以宣氣爲主。鬱則通也。

以此條加減  
及上數條參  
之思過半矣

敦 皐 加滑石草薢蒼木寒勝則痛痛者加防已桂  
枝薑黃海桐皮面赤口涎自出者靈樞謂胃熱

則廉泉開

重加石膏知母絕無汗者加羌活蒼木汗多者  
加黃芪炙甘草兼痰飲者加半夏厚朴廣皮因  
不能備載全文故以祖方加減如此聊示門徑  
而已。

加減木防已湯

辛溫辛涼複法

防已

六錢

桂枝

三錢

石膏

六錢

杏仁

四錢

滑石

四錢

白通草

二錢

薏仁

三錢

水八杯煮取三杯分溫三服見小効不卽退者加重服日三夜一

汪案辨證有周行著之分其原有風寒濕熱之異柰古方多以寒濕論治且多雜用風藥不知濕家忌汗聖訓昭然寒濕固有熱濕尤多誤用辛溫其害立見再外感初傷氣分惟貴宣通誤認虛證投柔膩補藥其禍尤酷學者細考本文可得治熱痺之梗槩矣

○濕熱不解。久釀成痘。古有成法。不及備載。聊列數則以備規矩。

下瘡癰等證倣此

本論之作。原補前人之未備。已有成法可循者。安能盡錄。因橫列四時雜感。不能不列濕溫。連類而及。又不能不列黃痘瘡癰。不過畧標法則而已。按濕溫門中。其證最多。其方最夥。蓋土居中位。穢濁所歸。四方皆至。悉可兼證。故錯綜參伍。無窮極也。卽以黃痘一證而言。金匱有辨證三十五條。出治一十二方。先審黃之必發。不發。

在於小便之利與不利。疸之易治難治，在於口之渴與不渴。再察瘀熱入胃之因。或因外併或因內發。或因食穀。或因酣酒。或因勞色。有隨經蓄血。入水黃汗。上盛者一身盡熱。下鬱者小便爲難。又有表虛裏虛。熱除作嘔。火刲致黃。知病有不一之因。故治有不紊之法。於是脈弦脇痛。少陽未罷。仍主以和。渴飲水漿。陽明化燥急當瀉熱。濕在上以辛散。以風勝濕。濕在下以苦泄。以淡滲。如狂蓄血。勢所必攻。汗後溺白。自宜投補。

酒客多蘊熱。先用清中。加之分利。後必顧其脾陽。女勞有穢濁。始以解毒。繼以滑竅。終當峻補真陰。表虛者實衛。裏虛者建中。入水火劫。以及治逆變證。各立方論。以爲後學津梁。至寒濕在裏之治。陽明篇中惟見一則。不出方論。指人以寒濕中求之。蓋脾本畏木而喜風。燥制水而惡寒濕。今陰黃一證。寒濕相搏。譬如卑監之土。須暴風日之陽。純陰之病。療以辛熱。無疑方。雖不出法。已顯然。柰丹溪云。不必分五疸。總是如盦。

醫相似。以爲得治黃之扼要。殊不知以之治陽黃。猶嫌其混。以之治陰黃。惡乎可哉。喻嘉言於陰黃一證。竟謂仲景方論亡失。恍若無所循從。惟羅謙甫具有卓識。力辨陰陽。遵仲景寒濕之旨。出茵陳四逆湯之治。瑭於陰黃一證。究心有年。悉用羅氏法而化裁之。無不應手取効。間有始卽寒濕。從太陽寒水之化。繼因其人陽氣尚未十分衰敗。得燥熱藥數帖。陽明轉燥。金之化而爲陽證者。卽從陽黃例治之。

夏秋痘病，濕熱氣蒸。外干時令，內蘊水穀，必以宣通氣分爲要。失治則爲腫脹。由黃痘而腫脹者，苦辛淡法。二金湯主之。

此揭痘病之由，與治痘之法。失治之變，又因變製方之法也。

二金湯方

苦辛淡法

雞內金	五錢	海金沙	五錢	厚朴	三錢
大腹皮	三錢	猪苓	三錢	白通草	二錢

水八杯，煮取三杯，分三次溫服。

(二)諸黃疸小便短者。茵陳五苓散主之。

沈氏曰。南云。此黃疸氣分實證通治之方也。胃爲水穀之海。營衛之源。風入胃家氣分。風濕相蒸。是爲陽黃。濕熱流於膀胱。氣鬱不化。則小便不利。當用五苓散。宣通表裏之邪。茵陳開鬱而清濕熱。

茵陳五苓散

五苓散。方見前。五苓散係苦辛溫法。今茵陳倍五苓乃苦辛微寒法。

茵陳末 十分

五苓散 五分

共爲細末。和匀。每服三錢。日三服。

金匱方不及備載。當於本書研究。獨採此方者。  
以其爲實證通治之方。備外風內濕一則也。  
◎黃疸脉沉。中痞惡心。便結溺赤。病屬三焦裏證。  
杏仁石膏湯主之。

前條兩解表裏。此條統治三焦。有一縱一橫之  
義。杏仁石膏開上焦。薑半開中焦。枳實則由中  
驅下矣。山梔通行三焦。黃柏直清下焦。凡通宣  
三焦之方。皆扼重上焦。以上焦爲病之始。入且  
爲氣化之先。雖統宣三焦之方。而湯則名杏仁。

石膏也。

杏仁石膏湯方

苦辛寒法

杏仁

五錢

石膏

八錢

半夏

五錢

山梔

三錢

黃柏

三錢

枳實

三錢

薑汁

每次三茶匙沖

水八杯煮取三杯分三次溫服。

(三)素積勞倦再感濕溫誤用發表身面俱黃不饑溺赤連翹赤豆飲煎送保和丸。

前第七十條由黃而變他病此則由他病而變。

黃亦遙相對待。證係兩感。故方用連翹赤豆飲以解其外。保和丸以和其中。俾濕溫勞倦治逆。一齊解散矣。保和丸苦溫而運脾陽。行在裏之濕。陳皮連翹由中達外。其行濕固然矣。兼治勞倦者何。經云勞者溫之。蓋人身之動作云爲。皆賴陽氣爲之主張。積勞傷陽。勞倦者。因勞而倦也。倦者四肢倦怠也。脾主四肢。脾陽傷。則四肢倦而無力也。再肺屬金而主氣。氣者。陽也。肺屬土而生金。陽氣雖分內外。其實特一氣之轉輸。

耳勞雖自外而來。外陽既傷。則中陽不能獨運。  
中陽不運。是人之賴食濕以生者。反爲食濕所  
困。脾既困於食濕。安能不失牝馬之貞。而上承  
乾健乎。古人善治勞者。前則有仲景。後則有東  
垣。皆從此處得手。柰之何後世醫者。但云勞病。

輒用補陰。非惑於丹溪一家之說哉。本論原爲  
外感而設。並不及內傷。茲特因兩感而畧言之。

### 連翹赤豆飲方

苦辛微寒法

連翹

二錢

山梔

一錢

通草

一錢

赤豆

二錢

花粉

一錢

香豆豉

一錢

煎送保和丸三錢

保和丸方

苦辛溫平法

山楂

神曲

茯苓

陳皮

葛子

連翹

半夏

●濕甚爲熱。瘧邪痞結心下。舌白口渴。煩躁自利。初身痛繼則心下亦痛。瀉心湯主之。

此瘧邪結心下氣分之方也。

瀉心湯 方法見前

○瘡家濕癰忌用發散。蒼朮白虎湯加草果主之。  
金匱謂瘡家忌汗，發汗則病癰。蓋以瘡者，血脈  
間病。心主血脉，血脉必虛而熱，然後成瘡。既成  
瘡以後，瘡膿又係血液所化。汗爲心液，由血脉  
而達毛竅，再發汗以傷其心液，不癰何待？故以  
白虎辛涼重劑，清陽明之熱濕，由肺衛而出，加  
蒼朮草果，溫散脾中重滯之寒濕，亦由肺衛而  
出。陽明陽土清以石膏，知母之辛涼太陰陰土。

溫以蒼朮草果之苦溫適合其臟腑之宜矯其一偏之性而已。

蒼朮白虎湯加草果方

辛涼複苦溫法

卽前白虎湯內加蒼朮草果

○背寒胸中痞結瘧來日晏邪漸入陰草果知母湯主之。

此素積煩勞未病先虛故伏邪不肯解散正陽餒弱邪熱固結是以草果溫太陰獨勝之寒知母瀉陽明獨勝之熱厚朴佐草果瀉中焦之濕。

今人  
用  
即此  
人咸  
亦  
汗  
利  
之  
汗  
利

蘊合薑半而開痞結。花粉佐知母而生津退熱。

脾胃兼病。最畏木克。烏梅黃芩清熱而和肝。蘊來日晏。邪欲入陰。其所以升之使出者全賴草

果。

俗以烏梅五味等酸歛是知其一莫知其他也。酸味秉厥陰之氣居五味之首與辛味合

用開發陽氣最速觀小青龍湯自知。

草果知母湯方

苦辛寒兼酸法

草果一錢

五分

知母二錢

一分

半夏三錢

一分

厚朴二錢

一分

黃芩一錢

五分

烏梅一錢

五分

花粉一錢

五分

薑汁沖五匙

水五杯。煮取二杯。分二次溫服。

按此方卽吳又可之達原飲去檳榔。加半夏烏梅薑汁。治中焦熱結陽陷之證。最爲合拍。吳氏乃以治不兼濕邪之溫疫初起。其謬甚矣。

再按前賢製方。與集書者逸方。不過示學者知法度爲學者立模範而已。未能預測後來之病證。其變幻若何。其兼證若何。其年歲又若何。所謂大匠誨人。能與人規矩。不能使人巧。至於奇巧絕倫之處。不能傳亦不可傳。可遇而不可求。

舉一反三全  
皆當以此觀之

可暫而不可常者也。學者當心領神會。先務識其所以然之故。而後增減古方之藥品分量。宜重宜輕。宜多宜寡。自有準的。所謂神而明之。在乎其人。

④瘧傷胃陽。氣逆不降。熱劫胃液。不飢不飽。不食不便。渴不欲飲。味變酸濁。加減人參瀉心湯主之。此雖陽氣受傷。陰汗被劫。恰偏於陽傷爲多。故救陽立胃基之藥四。存陰瀉邪熱之藥二。喻氏所謂變胃而不受胃變之法也。

加減人參瀉心湯

苦辛溫復鹹寒法

人參

二錢

黃連

一錢五分

枳實

一錢

乾薑

一錢五分

生薑

二錢

牡蠣

二錢

水五杯。煮取二杯。分二次。溫服。

按大辛大溫。與大苦大寒合方。乃厥陰經之定例。蓋別臟之與腑。皆分而爲二。或上下。或左右。不過經絡貫通。臆膜相連耳。惟肝之與胆合。而爲一。胆卽居於肝之內。肝動則胆亦動。胆動而肝卽隨。肝宜溫。胆宜涼。仲景烏梅圓瀉心湯。立

萬世法程矣。於小柴胡先露其端，此證瘧邪擾胃，致令胃氣上逆，而亦用此辛溫寒苦合法者何。蓋胃之爲腑，體陽而用陰，本係下降無上升之理。其嘔吐噦痞，有時上逆，升者胃氣所以使之。胃氣上升者，非胃氣也。肝與胆也，故古人以嘔爲肝病，今人則以爲胃病已耳。

汪按古人云：肝爲剛臟，能受柔藥。胃爲柔臟，能受剛藥。故胃陽傷者可與剛中之柔，不可與柔中之剛。又云：治肝不效，每以胃藥收功。蓋上衰

木必乘之。扶陽明所以制厥陰也。再考厥陰爲陰陽交際之處。貞下起元。內藏相火。故用寒必複熱。用熱必複寒。仲景茱萸四逆。當歸四逆。不用純陽。烏梅瀉心。陰陽並用。爲此也。先賢于內中之陽者。用羊肉鹿茸等血肉之品。傷腎肝陰不用薑附。及溫腎必助涼肝皆此義。至胃爲中土。傷陽則爲卑監。常用剛遠柔。傷陰則爲燥亢。當用柔遠剛。陽衰者少佐宣暢。權衡在手。斯臨證無差矣。

(七)瘡傷胃陰。不飢不飽不便。潮熱得食則煩熱愈。

加津液不復者麥冬麻仁湯主之

暑濕傷氣。瘧邪傷陰故見證如是。此條與上條不飢不飽不便相同。上條以氣逆味酸不食辨陽傷。此條以潮熱得食則煩熱愈定。陰傷也。陰傷既定。復胃陰者莫若甘寒。複酸味者酸甘化陰也。兩條胃病皆有不便者何。九竅不和皆屬胃病也。

麥冬麻仁湯方

酸甘化陰法

麥冬

連心五錢

火麻仁

四錢

生白芍

四錢

何首烏 三錢 烏梅肉 二錢 知母 二錢

水八杯煮取三杯分三次溫服

⑤太陰脾瘧寒起四末不渴多嘔熱聚心胸黃連  
白芍湯主之煩躁甚者可另服牛黃丸一丸

脾主四肢寒起四末而不渴故知其爲脾瘧也。  
熱聚心胸而多嘔中土病而肝木來乘故方以  
兩和肝胃爲主此偏於熱甚故清熱之品重而  
以芍藥收脾陰也。

黃連白芍湯方

苦辛寒決

黃連 二錢

黃芩 二錢

半夏 三錢

枳實 一錢

白芍 三錢

薑汁 五匙

水入杯煮取三杯分三次溫服

④太陰脾虛。脈濡寒熱。瘧來日遲。腹微滿。四肢不暖。露薑飲主之。

此偏於太陰虛寒。故以甘溫補正。其退邪之妙。全在用露。清肅能清邪熱。甘潤不傷正陰。又得氣化之妙諦。

露薑飲方

甘溫複甘涼法

人參一錢 生薑一錢

水兩杯半。煮成一杯。露一宿。重湯溫服。

②太陰脾瘧。脉弦而緩。寒戰甚則嘔吐。噫氣腹鳴。溏泄。苦辛寒法。不中與也。苦辛溫法。加味露薑飲主之。

上條純是太陰虛寒。此條邪氣更甚。脉兼弦則土。中有木矣。故加溫燥泄木退邪。

加味露薑飲方

苦辛溫法

人參一錢

半夏二錢

草果一錢

生薑

二錢

廣皮

一錢

青皮

醋炒一錢

水二杯半煮成一杯滴荷葉露三匙溫服渣再煮一杯服。

○中焦癰寒熱久不止氣虛留邪補中益氣湯主之

留邪以氣虛之故。自以升陽益氣立法。

補中益氣湯方

炙黃芪

一錢五分

人參一錢

炙甘草一錢

白朮

炒一錢

廣皮五分

當歸五分

五分

升麻

三分  
炙  
去核

柴胡

三分  
炙

生薑

三片

大棗

二枚  
炙

水五杯煮取二杯渣再煮一杯分溫三服

②脉左弦暮熱早涼汗解渴飲少陽瘧偏於熱重者青蒿鱉甲湯主之

少陽切近三陰立法以一面領邪外出一面防邪內入爲要領小柴胡湯以柴胡領邪以人參大棗甘草護正以柴胡清表熱以黃芩甘草苦甘清裏熱半夏生薑兩和肝胃蠲內飲宜胃陽

降胃陰。疏肝用。生薑大棗調和營衛。使表者不爭。裏者內安。清者清。補者補。升者升降者降。平者平。故曰和也。青蒿鱉甲湯。用小柴胡法而小變之。却不用小柴胡之藥者。小柴胡原爲傷寒。立方。瘧緣於暑濕。其受邪之源。本自不同。故必變通其藥味。以同在少陽一經。故不能離其法。青蒿鱉甲湯。以青蒿領邪。青蒿較柴胡力軟。且芳香逐穢。開絡之功。則較柴胡有獨勝。寒邪傷陽。柴胡湯中之人參甘草生薑。皆護陽者也。暑

熱傷陰。故改用鱉甲護。鱉甲乃蠕動之物。且能入陰絡搜邪。柴胡湯以脇痛乾嘔爲飲邪所致。故以薑半通陽降陰而清飲邪。青蒿鱉甲湯以邪熱傷陰。則用知母花粉以清熱邪而止渴。丹皮清少陽血分。桑葉清少陽絡中氣分。宗古法而變古方者。以邪之偏寒偏熱不同也。此葉氏之讀古書。善用古方。豈他人之死於旬下者。所可同日語哉。

少陽瘧如傷寒證者。小柴胡湯主之。渴甚者。去

辨症數條皆  
于偏于寒熱  
陰陽處者明

半夏加栝蔞根。脉弦遲者。小柴胡加乾薑陳皮湯主之。

少陽癥如傷寒。少陽證乃偏於寒重而熱輕。故仍從小柴胡法。若內躁渴甚。則去半夏之燥。加栝蔞根生津止渴。脉弦遲則寒更重矣。金匱謂脈弦遲者。當溫之。故於小柴胡湯內加乾薑陳皮溫中。且能由中達外。使中陽得伸。逐邪外出也。

### 青蒿鰲甲湯方

苦辛酸寒法

青蒿 三錢

知母 二錢

桑葉 二錢

鱉甲 五錢

丹皮 二錢

花粉 二錢

水五杯。煮取二杯。瘧來前分二次溫服。

小柴胡湯方

苦辛甘溫法

柴胡 三錢

黃芩 一錢

半夏 二錢

人參 一錢

炙甘草 五分

生薑 三片

大棗 二枚

去核

水五杯。煮取二杯。分二次溫服。加減如傷寒論中  
法。渴甚者去半夏。加栝蔞根三錢。

小柴胡加乾薑陳皮湯方

苦辛溫法

卽於小柴胡湯內加乾薑二錢陳皮二錢水八杯煮取三杯分三次溫服

⑤舌白脘悶寒起四末渴喜熱飲濕蘊之故名曰濕瘡厚朴草果湯主之

此熱少濕多之證舌白脘悶皆濕爲之也寒起四末濕鬱脾陽脾主四肢故寒起於此渴熱也當喜涼飲而反喜熱飲者濕爲陰邪瀰漫於中喜熱以開之也故方法以苦辛通降純用溫開

而不必苦寒也。

# 厚朴草果湯方

苦辛溫法

厚朴

一錢  
五分  
二錢

杏仁

一錢  
五分  
三錢

草果

一錢

茯苓塊

三錢

廣皮

一錢

水五杯。煮取二杯。分二次溫服。

按中焦之癰。脾胃正當其衝。偏於熱者。胃受之。法則偏於救胃。偏於濕者。脾受之。法則偏於救脾。胃陽腑也。救胃必用甘寒。苦寒。脾陰臟也。救脾必用甘溫。苦辛。兩平者。兩救之。本論列癰證。

寥寥數則。畧備大綱。不能徧載。然於此數條。反復對勘。彼此互印。再從上焦篇究來路。①下焦篇歸路。其規矩準繩。亦可知其大畧矣。

○濕溫內蘊。夾雜飲食停滯。氣不得運。血不得行。遂成滯下。俗名痢疾。古稱重證。以其深入臟腑也。初起腹痛脹者易治。日久不痛並不脹者難治。脉小弱者易治。脈實大數者難治。老年久衰。實大小弱並難治。脈調和者易治。日數十行者易治。一二行或有或無者難治。面色便色鮮明者易治。穢暗

者難治。噤口痢屬實者尚可治。屬虛者難治。先滯  
俗所謂後利。謂之泄鴻者易治。先利後滯者難治。先  
滯後瘧者易治。先瘧後滯者難治。本年新受者易  
治。上年伏暑。酒客積熱。老年陽虛積濕者難治。季  
腸少腹無動氣疝瘕者易治。有者難治。

此痢疾之大綱。雖羅列難治易治十數條。總不出邪機向外者易治。深入臟絡者難治也。謬云餓不死的傷寒。腹不死的痢疾。時人解云。凡病  
傷寒者。當禁其食。令病者餓。則不至與外邪相

搏而死也。痢疾日下數十行。下者既多。腸胃空虛。必令病者多食。則不至腸胃盡空而死也。不知此二語。乃古之賢醫金針度人處。後人不審。病情不識。句讀以致妄解耳。按內經熱病禁食。在少愈之際。不在受病之初。仲景傷寒論中。現有食粥却病之條。但不可食重濁肥膩耳。痢疾暑濕夾飲食內傷邪非一端。腸胃均受其殃。古人每云淡薄滋味如何可以恣食。與邪氣團成一片。病久不解耶。吾見痢疾不戒口腹而死者。

不可勝數。蓋此二語。餓字。臤字。皆自爲一句。謂患傷寒之人。尙知餓而思食。是不死之證。其死者。醫殺之也。蓋傷寒暴發之病。自外而來。若傷衛。而未及於營。病人知餓。病機尙淺。醫者助胃氣。捍外侮。則愈。故云不死。若不餓。則重矣。仲景謂風病能食。寒病不能食。是也。痼疾久伏之邪。由內下注。若臟氣有餘。不肯容留。邪氣彼此互爭。則順邪機向外。醫者順水推舟。則愈。故云不死。若臟氣已虛。純遜邪氣。則不臤而寇深矣。

汪按瘧病二證。若不能薄味藥。雖對證亦不能效。其愈後堅壁清野之法。與傷寒溫病相同。但瘧疾至正氣大衰之時。胃虛不能勝邪。俗人仍令禁食。亦大謬也。丹溪格致餘論。俗言無飽死痢一條可參看。

卷一百一十一  
自利不爽欲作滯下。腹中拘急。小便短者。四苓合芩芍湯主之。

既自利俗謂泄鴻矣。理當快利。而又不爽者。何。蓋濕中藏熱。氣爲溫熱鬱傷。而不得暢。遂其木性故。

滯。臟腑之中全賴此一氣之轉輸。氣既滯矣焉。  
有不欲作滯下之理乎。曰。欲作。作而未遂也。拘  
急不爽之象。積滯之情狀也。小便短者。濕注大  
腸。闌門小腸之末。大腸之始。不分。水膀胱不滲濕也。故以  
四苓散分闌門通膀胱。開支河使邪不直注大  
腸。合苓芍法宣氣分清積滯。預奪其滯下之路。  
也。此乃初起之方。久痢陰傷不可分利。故方後  
云久利不在用之。

按浙人倪涌初作瘧痢三方。於痢疾條下先立

禁汗禁分利禁大下禁溫補之法是誠見世之妄醫者誤汗誤下誤分利誤溫補以致沉病不起痛心疾首而有是作也然一概禁之未免因噎廢食且其三方亦何能包括痢門諸證是安於小成而不深究大體也瑭勤求古訓靜與心謀以爲可汗則汗可下則下可清則清可補則補一視其證之所現而不可先有成見也至於誤之一字醫者時刻留心猶恐思慮不及學術不到豈可謬於見聞而不加察哉

四苓合芩芍湯方

苦辛寒法

蒼术

二錢

猪苓

二錢

茯苓

二錢

澤瀉

二錢

白芍

二錢

黃芩

一錢

廣皮

一錢  
五分

厚朴

二錢

木香

一錢

水五杯，煮取二杯，分二次溫服。久痢不在用之。

○暑濕風寒雜感。寒熱迭作。表證正盛。裏證復急。腹不和而滯下者。活人敗毒散主之。

此證乃內傷水穀之釀濕。外受時令之風濕。中氣本自不足之人。又氣爲濕傷。內外俱急。立方

之法。以人參爲君。坐鎮中州。爲督戰之帥。以二  
活二胡合芎藭。從半表半裏之際。領邪外出。喻  
氏所謂逆流挽舟者。此也。以枳殼宣中焦之氣。  
茯苓滲中焦之濕。以桔梗開肺與大腸之痺。甘  
草和合諸藥。乃陷者舉之之法。不治痺而治致。  
痺之源。痺之初起。增寒壯熱者。非此不可也。若  
云統治傷寒、溫疫瘴氣。則不可。凡病各有所因。  
一方之所得。而統之也哉。此方在風濕門中。  
用處甚多。若濕不兼風而兼熱者。卽不合拍矣。

況溫熱門乎。世醫用此方治溫病已非一日。吾只見其害。未見其利也。

活人敗毒散

辛甘溫法

羌活

獨活

茯苓

川芎

枳殼

柴胡

人參

前胡

桔梗

以上各一兩

甘草

五錢

每服二錢。是  
耳鳴者。舉之  
卽止。並非犯

共爲細末。每服二錢。水一杯。生薑三片。煎至七分。頓服之。熱毒衝胃。禁口者。本方加陳倉米各等分。

下利不可發  
行之大戒也  
後人每昧取  
川芎苦并去  
人參何其謬

名倉廩散服法如前。加一倍。噤口屬虛者勿用之。

汪按噤口有虛實之分。此方虛者固不可用。卽實證亦惟表證重者當用。若中焦濕熱壅滯。當用丹溪人參黃連法。虛者當於理中等法求之。

◎滯下已成腹脹痛。加減芩芍湯主之。

此滯下初成之實證。一以疏利腸間濕熱爲主。

加減芩芍湯方 茗辛寒法

白芍三錢

黃芩二錢

黃連一錢

五分

厚朴二錢

木香一錢

煨

廣皮二錢

五分

水入杯煮取三杯分三次温服。忌油膩生冷。

加減法 肛墜者。加檳榔二錢。腹痛甚欲便。便後痛減。再痛再便者。白滯加附子一錢五分。酒炒大黃三錢。紅滯加肉桂一錢五分。酒炒大黃三錢。通爽後即止。不可頻下。如積未淨。當減其製。紅積加歸尾一錢五分。紅花一錢。桃仁二錢。舌濁脉實有食積者。加查內一錢五分。神曲二錢。枳殼一錢五分。潔重者。目黃舌白不渴。加茵陳三錢。白通草一錢。滑石一錢。

卷之二十一  
滯下濕熱內蘊。中焦痞結。神識昏亂。瀉心湯主之。

滯下由於濕熱內蘊。以致中痞。但以瀉心治痞。結之所由來而滯自止矣。

瀉心湯

方法並見前

○滯下紅白舌色灰黃。渴不多飲。小溲不利。滑石藿香湯主之。

此暑濕內伏。三焦氣機阻窒。故不肯見積。治積乃以辛淡滲濕宣氣。芳香利竅。治所以致積之。

因庶積滯不期愈而自愈矣。

滑石藿香湯方

辛淡合芳香法

飛滑石

三錢

白通草

一錢

猪苓

二錢

茯苓皮

三錢

藿香梗

二錢

厚朴

二錢

白蔻仁

一錢

廣皮

一錢

水五杯煮取二杯分二次服。

②濕溫下利脫肛五苓散加寒水石主之。

此急開支河俾濕去而利自止。

五苓散加寒水石方

辛溫淡複兼法

卽於五苓散內加寒水石三錢。如服五苓散法。久  
痢不在用之。

◎久痢陽明不闔。人參石脂湯主之。

九竅不和。皆屬胃病。久痢胃虛。虛則寒。胃氣下  
溜。故以堵截陽明爲法。

人參石脂湯方

辛甘溫合濤法。卽桃花湯之變法。  
也

人參三錢

地

赤石脂

三錢  
細末

炮薑

二錢

白梗米一合

炒

水五杯。先煮人參白米炮薑令濃。得二杯。後調石

脂細末和勻分二次服。

自利腹滿。小便清長。脉濡而小。病在太陰。法當溫臟。勿事通腑。加減附子理中湯主之。

此偏於濕合臟陰無熱之證。故以附子理中湯去甘守之人參甘草。加通運之茯苓厚朴。

加減附子理中湯方

苦辛溫法

白术

三錢

附子

二錢

乾薑

二錢

茯苓

三錢

厚朴

二錢

水五杯。煮取二杯。分二次溫服。

汪按理中不獨濕困太陰宜用。每見夏日傷水瓜果，立時發痢者。止有寒濕，并無熱證。小兒尤多此證。小便亦或短赤。不可拘泥。宜用理中甚則加附子。瓜果積加丁香草果。下利滯澁者。加當歸。其有誤用尅伐者。則人參又當倍用矣。上焦有暑濕或嘔者。反佐薑連少許。

自利不渴者屬太陰。甚則嘔。俗名衝氣逆。急救土敗。附子粳米湯主之。

此條較上條更危。上條陰濕與臟陰相合而臟

之真陽未敗。此則臟陽結而邪陰與臟陰毫無忌憚。故上條猶係通補。此則純用守補矣。扶陽抑陰之大法如此。

附子粳米湯方

苦辛熱法

人參

三錢

附子

二錢

炙甘草

二錢

粳米

一合

乾薑

二錢

水五杯。煮取二杯。渣再煮一杯。分三次溫服。

○瘧邪熱氣內陷變痢。久延時日。脾胃氣衰。面浮腹膨。裏急肛墜。中虛伏邪。加減小柴胡湯主之。

以上數條俱  
於虛實淺深  
字看取

瘧邪在經者多較之。痢邪在臟腑者淺。痢則深。於瘧矣。內陷云者由淺入深也。治之之法不出喻氏逆流挽舟之議。蓋陷而入者仍提而使之出也。故以柴胡由下而上入深出淺合黃芩兩

和陰陽之邪。以人參合穀芽宣補胃陽丹皮歸芍內護三陰。穀芽推氣分之滯。山楂推血分之滯。穀芽升氣分。故推穀滯。山楂降血分。故推肉滯也。

### 加減小柴胡湯

苦辛溫法

江病有身

卷二

三

柴胡

三錢

黃芩

二錢

人參

一錢

丹皮

一錢

白芍

二錢

當歸

一錢五分  
土炒

穀芽

五分

山楂

一分五分  
炒

水八杯。煮取三杯。分三次溫服。

春溫內陷。下痢最易厥脫。加減黃連阿膠湯主之。

春溫內陷。其爲熱多濕少。明矣。熱必傷陰。故立法以救陰爲主。救陰之法。豈能出育陰堅陰兩法外哉。此黃連之堅陰。阿膠之育陰。所以合而

名湯也。從黃連者黃芩。從阿膠者生地白芍也。  
炙草則統甘苦而並和之。此下三條應列下焦。  
以與諸內陷並觀。故列於此。

加減黃連阿膠湯

甘寒苦寒合化陰氣法

黃連 三錢

阿膠 三錢

黃芩 二錢

炒生地

四錢

生白芍

五錢

炙甘草

一錢五分

水八杯。煮取三杯。分三次溫服。

⑤氣虛下陷。門戶不藏。加減補中益氣湯主之。  
此邪少虛多。偏於氣分之證。故以升補爲主。

加減補中益氣湯

甘溫法

人參二錢

黃芪二錢

廣皮一錢

炙甘草一錢

歸身二錢

炒白芍三錢

防風五分

升麻三分

水八杯煮取三杯分三次溫服。

○內虛下陷熱利下重腹痛脉左小右大加味白頭翁湯主之。

此內虛濕熱下陷將成滯下之方仲景厥陰篇謂熱利下重者白頭翁湯主之按熱注下焦設

不差必圓。膿血脉右大者。邪從上中而來。左小者。下焦受邪。堅結不散之象。故以白頭翁無風而搖者。稟甲乙之氣。透發下陷之邪。使之出。又能有風而靜。稟庚辛之氣。清能除熱。燥能除濕。濕熱之積滯去而腹痛自止。秦皮得水木相生之氣。色碧而氣味苦寒。所以能清肝熱。黃連得少陰水精。能清腸澼之熱。黃柏得水土之精。滲濕而清熱。加黃芩白芍者。內陷之證。由上而中而下。且右手脉大上中。尚有餘邪。故以黃芩。

清腸胃之熱。兼清肌表之熱。黃連黃柏但走中下。黃芩則走中上。蓋黃芩手足陽明。手太陰藥也。白芍去惡血。生新血。且能調血中之氣也。按仲景太陽篇有表證未罷。誤下而成協熱下利之證。心下痞鞭之寒證。則用桂枝大參湯。脉促之熱證。則用葛根黃連黃芩湯。與此不同。

加味白頭翁湯

苦寒法

白頭翁

三錢

秦皮

二錢

黃連

二錢

黃柏

二錢

白芍

二錢

黃芩

三錢

水八杯。煮取三杯。分三次服。

汪按治痢之法。非通則瀉。扼要在有邪無邪。陰陽氣血淺深。久暫虛實之間。稍誤則危。不可不慎也。又痢俱兼濕。例禁柔膩。溫邪下痢者非其有久痢陰虛。當攝納陰液。或陰中陽虛。應用理陰煎等法者。屬下焦。

徵按滯下自利諸條。俱係下焦篇證。似不應列入中焦。要知致病之由。則自中焦而起。所以金匱方中只有黃芩湯。以治太陽少陽兩經合病。

之下利。遂開萬世治利之門。經云治病必求其本。此之謂也。

秋燥

◎燥傷胃陰。五汁飲主之。玉竹麥門冬湯亦主之。  
五汁飲方法並見前

玉竹麥門冬湯

甘寒法

玉竹

三錢

麥冬

三錢

沙參

二錢

生甘草

一錢

水五杯。煮取二杯。分二次服。二虛者。加生扁豆氣

虛者加人參。

(互)胃液乾燥外感已淨者牛乳飲主之。

此以津血填津血法也。

牛乳飲

甘寒法

牛乳

一杯

重湯燉熟頓服之甚者日再服。

(互)燥證氣血兩燔者玉女煎主之。

玉女煎方

見上焦篇

汪按燥證路徑無多故方法甚簡始用辛涼繼

用甘涼與溫熱相似。但溫熱傳至中焦間有當  
用寒苦者。燥證則惟喜柔潤。最忌苦燥。斷無用  
之之理矣。其有濕未退而燥已起。及上燥下濕。  
下燥上濕者。俱見濕門。